

HAYUNI LAMAH

1

Hayuni grauthai

1 Phirthiphalang sangsai ya saniha grauthai dongba; bo Madai Ishor jang dongba ar bo grauthaining Madai Ishor. 2 Phuilagdha niphrang grauthai Ishorjang dongba. 3 Khirip jadikhebo Madai Ishor bojang sangsaiba, mushi khebo bojang niyahi sangsaiya. 4 Grauthaining ashol haiyuni yader, ar ibo haiyu ning marshi niklaihi jnahriba. 5 Waib anderha jnahridu, ar andar mushi khalibo ibokhe nekhao phuya. 6 Boni grau jmah diah saoshi sbung Johan khe Madai Ishor haihaba. 7 Jnahi dongmani lamakhe sbung buthune bo sainthi phaiba; odese khnahi khiripbo graujma khe lonmane. 8 Bode jnahi dongmani lama phunu phuyabade niya; Thikhabo waihrilini grau khese sakhi riphaiba. 9 Smo waihrili khirip marshikhe jnaridu, bo ashal waihrili hapsauha haphaiba. 10 Bo Phirthiphalangha dongba ar bojang phirthiphalangkhe sangsiba; thikhabo phirthiphalang bokhe mithiya. 11 Bo Jarni Mulukha phaiba thikhabo boni jarni sbung buthuning bokhe lamjaoya. 12 Thikhabo saophau bokhe lamjaohikha ar maniba, odebani bunshine. Madai Ishorni basa jamani hok riba. 13 Bonshi Marshini thijang marshini bauthaijang niya. Madai Ishor niphrang bauya base. 14 Grauthai marshi ni saumang jaba ar jingjang baushi dongphaba. Buphaniphrang phaiyaba basa mashini muimani iaoblaikhe jine phunu phaikha. Bode khasau majang gibijang gablaidu. 15 Johan boni graukhe sakhirihi baikhrai phaihi thikha, Iboningbo subung serekhe angthiba, sere ani yaohonha phaiphabudu, bode ani skangbojadu sumjaubani thikhade ani skangniphrang ning dong. 16 Jing khirip pantha mainkha, thimaning thikhade khasaomani basauha khasaomah maikha. 17 Moseni dara disa khe riba thikhabo khasaomah ar gibikhe Jisu labuba. 18 Saoshibo Ishorkhe nuba giri; sa shaoshi sening Ishor jang baoshi yaba, bojang baoshi dong yaba sening mithijaoba, ar jine than mairiba.

Baptisma riyaba Johanni graujama

19 Jerusalemha Judarao jonthai rao ar Levirao khe Johannihha singmane haihaba; Ningla sere? **20** Johan thipin yahi dongya, angde Messiah niya, thihi rgaushishi thiphinkha. **21** Niyala ning sere? Ning Elijah? Thihi boshi singba. Ang bo niya thihi Johan thipin kha, Niyala ning gorasali? Boshi singba Niya thihi Johan hinphinkha. **22** Boshi thiba, Niyade Sainthi ning Sere? Jing jobab riphin hima nangdu na ninglabede baidu? **23** Gorasali Isaiah ni bumukhe thihi Johan thiphinkha. "Hajenglingha jirik bayaba Ang saoshinikhurang" "Gabara him mani khlaihi lama blengri." **24** Grau khandi diyarao pharisirao jang haiha jauba; **25** Johan khe singba. Jodi ning Messiah bo niya. Elijahbo niya ar phathribi niya thikhala sumjabani ning ditharkhoba riba? **26** Johan thiphinkha, Angde dijang baptis riba. Thikhabo nishini bishingha saoshi songhi dongyabakhe nishi mithiya. **27** Bo ani iaohon ha phaidu, Angde boni iapadap ni wadu khuru manebo grhaya. **28** Ibo buthu Bethani hathan ni saingja gede Jordan dima gbahajaba; orahaning Johan baptismal riba.

Madai Melma basa

29 Phin saingshi khali Jisu khe phaiba nuhi Johan thiba, oraha Ishorni melmasa dong pirthi phalangni papkhe langyaba. **30** Ibokhening Ang sainthi base; sbung saoshi ani iaohonha phaidu, Ang thiba, Angtha raudao yaba karon bode ang hajaiya saninha ning dong. **31** Sere bleiyaba bo janangbo angbo mithiya, thikhabo Israelni sbung buthune bokhe mithirimane ang dijang baptis riphaidu. **32** Johan ibokhe rebhi proman riba shorgo niphrang bidima daotulai phaihi boniha dongbakhe ang nuba; **33** Boningthinang duha mithi puyakho, thikhabo Ishor angkhe dijang baptis rimane haiha yaba angthane sainthiba, shorgo niphrang se gathar phaihi sbung saoshi niha gbabakhe nishi nunang bo gatar jang thargin yaba boning jakha, **34** Johan thiba, ang ibokhe nukha odebani nishine ang sainthidu boning ishorni basa."

Jisuni yapri rikhjenyaba

35 Phin sainshi khali Johan boni iaohon rikyarao ginijang oraha songhi dongbaha; **36** Jisukhe nulahi Johan thiba, "Oraha Ishorni melmasa dong." **37** Iaohon rikyarao gini bo thibakhe knahi Jisu jang thangphaba. **38** Boshi iaohon rikyarao khe nuhi Jisu naiphini singba, "Nishi smokhe naibaiba?" Boshi thiphinkha, "Rabbi, ningla braha dongba?" (Rabbi mane silingriah). **39** Bo thiphinkha, "Phai naiphai?" (Boha siangblini gonta bri berenha). Ode bojang thangphahi boni dongthan khe nuhikha ar okhalide bojang dangphakha. **40** Boshini bishingha saoshide Simon Peter ni buphlung Andria. **41** Boni publiha jarni buphlung Simon khe goronhi sainthiba "Jing Messiah khe nukha" (Iboni ortho Kristo). **42** Bo Simon khe langhi Jisu niha thangba, Jisu bokhe naihi thiba, "Nini bumu Simon Johan ni basa, thikhabo Ningkhede Kephas thima nangma" (Iboni ortho Longgrik).

Jisu Philip ar Nathanael khe tongba

43 Phin gibin basaingha Jisu Galiliha thangmani thik khlaiba. Philip khe nuhi Bo thiba, "Ang jang phai." **44** Philip Bethsaida sohorni Andria jang Peter orahaning dongba. **45** Philip Nathanael khe goronhi sainthiba. Disani kitapha Mose repyaba sbung saoshikhe jing goronkha gorasali rao sreni garaokhe rebba. "Boning Nazarethni Joseph ni basa Jisu." **46** Nathanael singba, "Nazareth niprang ishaba hamba baigo phudu?" Philip thiphinkha, "Phai naiphai." **47** Nathanael khe boniha phaiba nuhi Jisu bokhe thiba, Iboning ashol Israelsa boniha mushi mosol gin." **48** Ning angkhe bedehe mithiba? Nathanael bokhe singba, Jisu thiphinba; Philip ningkhe jirikya saniha dumur bupang Khlaha Khamhi dongbaha ningkhe angnuba." **49** Nathanael thiba, slingriasa? Ningde Ishorni basa Israel ni Raja" **50** Jisu thiba, Ang ningkhe dumur bupang bakhlah Khamhi dongbaha nuba thibani ningla lonla bokha? Ibotha dedayaba jathai khebo ning nunangkho." **51** Arboshikhe thibakho; "Ang nishine gibi graukhe sainthidu; sorgo khe khruhi dongba ar Ishorni deglarao marshi basani saoha akhai phiaba ar gakhuba khe nishi nunang."

Kanaha disengba

1 Nokha saing gni ni iaohonha Galili soharha sbung saoshi khe jukhuba. Jisuni buma oraha dongba. **2** Jisu jang boni iaohan riphayarao khebo jukhu baha jmaba. **3** Ju ronblai bani iaohonha Jisu ni buma boshikhe thiba, "Ju giri kha." **4** Jisu thiphinkha, "Smo khlaima nangre angkhe thima nangya." "Ani bubli sophai yakho." **5** Ode Jisu ni buma nokor khe thiba, "Bo thibalai nishi dang." **6** Judarao maimu tharbani dara disa dong; iboni khlaifi longthai ni dihu madoh oraha dongba; dihu mashiha beher jang rjashi dijau du. **7** Jisu nokor buthukhe thiba, "Ibo dihu buthuha gablaishi diluseng. Boshi gablaishi diluseng kha. **8** Ode boshike thibokha: "Duha dihuni dikhe khauhi mel hojane ritha; Boshi dihuni dikhe khauhi rihiba. **9** Bo jnaiba, dihuni di ju jatharba; Iboju braha niphrang phaiba melhoja mithilahya; (thikhabo nokor buthude mithidu). Odebani bo daman khe longhi thiba, **10** Khirip nebo phuilaha hamdao thauyaba jukhe rima dara, ar naurairao buthunebo linghashi rihiise, iaohon ha hamya daoya bakhe rima mu, thikabo ningla duhabo hamdao thaoya ba jukhe dengdukho." **11** Galilini Kana sahorha Jisu phuila ilai gmangtao sishi phunuba; oraha boni bokhe phunu jenba, ar boni iaohon rikyarao buthu bokhe lonba. **12** Iboni iaohonha Jisu boni buma bahandao ar boni iaohon rikyarao Kapernaum ha thanghi sainsi donghiba.

Jisu madaaikhoha thangdu

13 Judarao ni gothai dusini bubli sophaimajakha odebani Jisu Jerusalem ha thangba. **14** Oraha thanghi madaikhoha bo nuhikha sbungbuthu mushu melma ar daophri phainglaiba ar gjishi tebilha khamhi rang poisa slailai iarao khe nuba. **15** Waduni godah slamhi dophlunghi melma, mushu argibin mibuthukhe bajhiha bo riklatharba, tebilha bo thanghi boshini poisa buthukhe saipulung tharba, ar tebil khebo mokhon khlakha. **16** Odehe daophri phaingyabakhe hokum riba; Ani buphani noha hathai khlai

mainya. Bo buthuke eraha niphrang langthar. **17** Boni iaohon rikyarao laishiha repba dongyaba gonthaikhe waingsoba," Ani bikho nini noha, Oh Ishor, waijang saubalai angkhe sjamkha." **18** Judani hojarao bokhe singhi thiphinkha "Ning sumjaba jonthaine gmangthao sishi phunu phunang, ning ilai khlaimani hok dong? **19** Jisu thiphinkha; Madai khoke sbaikhlah; ang nokha saingtham bishingha dangphin nang." **20** Boshi singba; Ning ibo nokhe saingthamba dangphin phunang? Ibokhe dangbaha maithai jang bisagni maithaidoh nangba." **21** Jisu Madaikho thiyaba orthode jarni saomang khese thiba.

Marshini bauthaikhe Jisu tharmaindu

22 Odebani Jisu thihi baija phinbaha boni iaohon rikyarao bo thiyaba graukhe waingsoba; ar laishi ha rebyaba gonthai khe ar Jisuni graothai khe boshi Lonba. **23** Jerusalem ha Baiglaini Mel, bubliha khiripbo Jisu gmangthaosishi madaini iaoblai phunu bakhe nuhi bokhe lonkha ar manikha. **24** Thikhabo Jisu boshikhe gbang maniya karon boshini jathaikhe bo mithi thardu. **25** Boshini jathai khe saoshibo buthane thirima nang daoya karon boshini khaha bedehe bo jarning mithitharladuh.

3

Jisu ar Nikodemas

1 Nikodemas thihi Judani hoja saoshi dongba, bo Pharisiparty ni sbung. **2** Horshi khali Jishu niha thanghi thiba, jing ningkhe mithidu "Rabbi, ning saushi silingriah Ishorjang haiha jaoyaba. Saoshibo ninglai de gmangthai phunu phuya Ishor gbaya thikhade." **3** Jisu thiphinkha; Ang gibikhe nishine sainthidu; Hajai phinyahi saoshibo Ishorni rajikhe nuphuya. **4** Nikodemas singba phurah desoyaba sbung bede khlaihi hajai phinphure? Mushi karon jangbo bumani hoha haphinhidada bo hajai phin phuya." **5** Jisu thiphinba, "Ang gibikhening sainthi base. Dijang ar besejang hajaiya thikade saoshibo Ishorni rajiha haphuya." **6** Sbung saomang jang de

marshi ni buma bupha jang hajaiba; thikhabo besehade sejangse hajaiba."

7 Ang nishi khe thidu, "Nishi dagmang nishi khiripbo hajai phinma nangmase." **8** Bar jarni khusie mote shidbu; Iboni khurang khe nishi khandu; thikhabo ibo braha niphrang phaiba ar braha shiblang du nishi mithi phuya "besiniphrang hajai yaba krip subungbo olaise." **9** Nikodemas sinba; "Ibo bedehe khlaihi jaba?" **10** Jisu thiphinba, "Israelha ning bo saoshi hoja gedeба; odejangbo ning ibo buthukhe mithiya?" **11** Ang givi khening sainthi base. Mithiyaba khese jing thiba ar nuyaba khese jing sainthiba, Thikhabo nishi saoshibojini graujmah khe maniya. **12** Ibo hapsauni jathai buthukhe Ang sainthiba nishi lonya, thikhala sorgom jathai buthukhe tnibaha nishi bedehe Angkhe lonma? **13** Ar saushibo shorgoha thangba girikho; khali Ishorni basa saushi sorgo niphrang ajchaihi phaiyaba sening." **14** Bede khlaihi Mose hajenglingha granggisim jubukhe suguba; olaining marshini basabo sgujaumase. **15** Odese sere bokhe londu thauglauni haiyu maingma. **16** Karon Ishor hamsi ning ibo hapsaukhe khasauba; odebani boni sa saushikhe riba sere bokhe longdu bode thiya, thikhabo thauglauni haiyu maingma. **17** Karon ibo hapsauha bishadar jamane boni basakhe Ishor haihaya; hapsauha sgoyah jama nese haihaba. **18** Sere sa sausikhe lonre bo mushi khalibo bishar khlaijaoya; thikhabo sere lonyare bishar khlaijao hining dongladu, karon bo Ishorni sa saushi khe lonya bani khlaihi. **19** Bishar ibo rokhom jaba; hapsauha Isor Madaini wairili phaiba thikhabo sbungbuthu wairili jnabata andar khese hamjaodaoba; Karon boshini iaoblai buthu hamba niya: **20** Hamya khusi dangyaraо jnahbakhe hamjaoya; odebani waijdan yabaha phaiya. Karon boni khusi hamya dangba mlai nubakhe hamjaoya. **21** Thikhabo sere hamba khusi dangdu, bo waijdan yaba rongongha phaidu, somde thikhala boni khusi Isorjang gabtaihi jdan phama.

Jisu ar Johan

22 Iboni iaohonha Jisu ar boni iaohon rikyaraо Judani rajiha thanghi donghiba ar tharba riba. **23** Ainon jagaha Johan baptis riba; ibo jagah Salim niphrang Jainya. Oraha dibangbi ar sbung buthu khirip bojang

thangphaba ar oraha feoshikhe baptis riba. **24** Johan morongha (jel) jepjaoya saniha jayaba. **25** Maimu tharbani grauha Johanni iaohon rikyaraao Juda saushi jang grau banglai jenba. **26** Odebani boshi Johan niha thanghi thiba, Silingriab, ning thiyanba sbung saushi; Jordan dini saingja gede ning jang dongpha yaba khe ning wainso naidu. Oraha bo duha baptis ridu, boniha khiripbo duha thangdu. **27** Johan thiphinba; Ishor riya thikhade saushibo mushi khebo mainphuya. **28** Nishining ani shakhi; Ang thiba, Angde Messiah de niya thikhabo boni sgangha haiha jaoyaha. **29** Daman sereni thikhade damanjikni bubra; thikhabo damanni lugu baoshi dong yaba damanni garangkhe khnahi khajare; Ibo rokhom Angbo khnahi suk-khe mainba. **30** Ang khashi daobaha bo dedao phuma.

Je sere sorgoniphrang phaiba

31 Basau niplrang phaiyaba ning khiriptha dedao. Ha niplrang phaiyabade hani, bo hapsauni graukhe jore; thikha bo sorgo niplrang phaiyabade khiriptha dedaoyaba. **32** Jar nuyaba khnayaba khe bo ainthiba, thikhabo saushibo boni graujmah khe mainya; **33** Thikhabo sere boni graujmah khe manire Ishor gibise thihi mithidu. **34** Ishor Madai jang haiha jaoyaba saushi sening Ishorni graukhe joba. Karon Ishor Madai jarni besekhe phura bonthane riba. **35** Bupha basakhe hamjaoba ar odebani bonthane khirip jadini khomota khe riba. **36** Sere bo saoshikhe lonre thauglauni haiyu mainma; serebokhe maniyare haiyu mainphuya; Ishor Madaini sajaha dongma glaima.

4

Jesu ar Samari ni Masainjik

1 Johan-tha bara hi Jisu dephalangdu ar tharphalangdu thihi Pharisirao khnaba. **2** Ashol hade Jisude saushi khebo tharba riya; boni iaohon rikyaraao sening riba. **3** Odebani Jisu bo graukhe khnahi Juda niplrang Galiliha thangpinlabo. **4** Boha Samaria gede thangma nangba. **5** Samariaha

Sukar thiaba sohorha bo thangba; Ibo hathan Jakob boni basa Joshepne riyaba haphlai niphrang jaingya. **6** Oraha Jokhobni dikhор dongba; Lama himba leng jaohi Jisu dikhор gbaha khamhi dongba; boha saingjer bubli. **7** Masaingjik saushi dikhauma phaibaha Jisu bokhe thiba, "Anthane dikhaisa ri." **8** (Boni lugurao sohorhajima lingmani braihima thangkha). **9** Bo masaingjik thiphinba; Angla Samarijik ar ningla Juda bede khlaihi ning aniha di sainling, pure? **10** "Sere niniha disainlingba ar Ishor sumukhe ridu ning mithire thi khade ning boniha sainmase ar bo haiyu gnang dikhe bo ningthane rimase", Jisu thiphin ba. **11** Masaingjik thiba bedekhlaihi haiyu gnang dikhe mainma ar dikhoro thubi, Ning "Gedemah, niniha baltibo giri. **12** Jini phagara Jakob ibo dikhор khe jinthane rilangba; Bo ar boni basathu mihdao khirip erahaning dilingba; Ning Jakobta dedao baoladu? **13** Jisu thiphinba, "Sere ebo dikhe lingre digangphimase. **14** Thikhabo sere ang riyaba dikhe lingre mushi khalibo digang phinya. Ang riyaba dikhe sere lingre ebo di boniha dimu jahi bonthane haiyuni di rima ar jug jugbo thanghi dongma." **15** Masaingjik thiba, "Gedemah, bo dikhe antane ri, odese ang digangpin yama ar eraha dikhauma ne phaima nangyama." **16** Jisu bokhe thiba, Thang nini bashaikhe longtha ode eraha phaiphin." **17** "Ani bashai giri" thihibo thiphinkha, Jisu thiphinba, "nini bashai giri ning thik graukhening thibase." **18** "Ning sbung bowjang nohjaba ar duha dongpha yababo nini bashai niya; ning thik graukhening thibase." **19** Masainjik thiba, "Gedemah, ningla Gorasali saushi se. **20** Ibo hadingha ani Samarini phagararao Madai khe maniba thikhabo nishi Judarao thidu Jerusalemse Madaini hatan Orahase jing Madaikhe manima nangma." **21** Jisu bokhe thiba, "Ning masainjik Angkhe lonlah; bubli sophainang sbung buthu Apha Madai Ishor khe ibo hadingha ar Jerusalem habo binang niya. **22** Serekhe nishi biba nishi Samari sarao mithiya; Jing Juda mithidu jing serekhe maniba; sumjabani thikhala saugomani lama Judarao niphrangse phaiba. **23** Duha bubli phaidu ar phaihi eraha dong; okhali Ishor Madaini seni boljang sbungbuthu Apha Ishor Madaikhe gibi bauhi maninang; bo nang jao balai bonthane bauhi rihi maninang. **24** Ishor Madai bese se ar boni seni boljang sbung buthu gibijang bokhe maniphuba." **25** Masainjik bokhe thiba, "Ang mithidu Messiah phainang ar bo phaihi khirip jadi

khebo jinthane thithar rinang." **26** Jishu thiphinba, "Ang ning jakha ningkhe thiaba." **27** Boni bubliha Jisuni iaohon rikyarao phaikha ar bokhe masainjikjang sainlaiba nuhi gmangba. Thikhabo saushibo masainjik khebo ar Jisu khebo singyasainlai ya, Sumo khe nang jauba? Ar somkhe sainlaiba? thihi. **28** Bo masainjik jarni didikkhe galanghi sohorha thangpinhi sbung buthene thihiba; **29** Ang jabashi khe thitar pudu sbung saushi Messiah thina sere? "Khiripbo phaihi naiphai." **30** Odebani khiripbo sohor khe garhi Jisu khe naihima thangba. **31** Boni bubli ha laohn rikyarao Jisu khe bihi thiba, "Khaisa khaisu jima nangma." **32** Jisu thiphinkha; "Aniha jima lingmani dong bokhe nishi mushi mithiya." **33** Odebani iaohon rikyarao jarjang jar sainlaiba: "sereba sereyaba jima lingmani bonthane laburi bathi? **34** Jisu boshikhe thiba, "Ani makham de angkhe haiha yabani bauthai khe phura khaima ar anthane yaopha yaba khusi khe sjam mani khlaiki. **35** Nishi thilaire; nokha daingbri dongho ode mai rabli sophainang. Thikhabo Ang nishi khe thidu; pdaingha maininhi dong; ar mairamani bubli hamsaihi dong. **36** Sere sbung mai minbakhe rakhudu beseng rijaudu ar jug jugni haiyuni mai mithimdu. Odehe sere sbung mai gaidu ar sere rakhudu gini jang baushi khaja smaidu. **37** Garau gibining; saushi gaiba ar saushi raba; **38** Nishi dangya yaba pdaingha mai ramane nishikhe Ang haihaba; Mlai gabinrao oraha dangba ar boshi dangyaba niphrang nishi lab khlaiba. **39** Masainjik sainthihi bo sohorni Samarisarao khiripbo Jisu khe lonba sumjabani thikhala. "Ang jabashikhe bo thiharba." **40** Odebani samarisarao boniha phaihi boshi jang dong thihi Jisuke biphaiba. Jisu nokha saingni boshi jang dongba. **41** Boni graujmakhe khnahi khiripbo lonba; **42** Ar boshi masainjik khe thiba, "Jing duha lonkha; ning sainthi bani nidauya; jing jarbo khnalakha ar jing mithidu gibi gibijang bode hapsauni sgoyah."

Jisu Sorkari khusi dangyabani basa mashikhe hamriba

43 Oraha nokha saingini donghi Jisu Galiliha thangba; **44** Bojarkhe thilaba, "Gorasali saushi jarni muluk ha man khiai jauya." **45** Galiliha thangbaha sbung buthu lamjau phaiba sumjabani thikhala boshi khiripbo

Jerusalemha baiglaini melha thang yarao ar oraha Jisuni iaoblaikhe nuthar yaraose. **46** Ora niphrang Galilini Kanaha Jisu thangba; braha bo dikhe ju slamba. Sorkari ni Krusi dang yaba saushini basa Kapernaumha limhi dongba. **47** Jisu khe Juda niphrang Galiliha phaiba khnabajang boniha thanghi bokhe Kapernumha thangma sanihiba; boni basa thima jahi dangyabakhe limba ham rimane. **48** Jisu bokhe thiba, "Gmangthaosishi jathai khe nuya thikhade nishi saushibo mushi khalibo lonya." **49** Khusi dangyaba thiba, "Gedemah, phai angjang ani basa thiysaniha." **50** Jisu bokhe thiba, "Ning thang, nini basa thangmase." **51** Bo sbung Jisuni graukhe lonhi thanglaba, "Nini basa thangpin kha." **52** Boshikhe bo singba smo bubli ha boni basa limba hamdauba; boshi thiphinkha", Miyaha thik saingjerni gontashi bajiha limmah haigarba." **53** Odehe bupha Jisujang thijauba bublikhe wainsoba, "Nini basa thangpinnang." Odehe bo ar boni sbung dongbashi okhali niphrang lonba. **54** Ibojang Phingni Jisu Juda niphrang Galiliha phaihi gmangthaosishi jathai phunuba.

5

Dikharnai rogongha hamriba

1 Iboni iaohonha dormoni melni khlaihi Jisu Jeruselemha thangba. **2** Jerusalemh melmani daoglab gbaha dugrumani dikharnai mashi dong, iboni lamkhong mabowa jadu Hebrew jang ibokhe Bethzatha thire. **3** Limyarao sayarao jon gbangma oraha kham lai hi dongba; gana, khora ar sau githi jayarao. **4** Bushi di mauba khe jonre, Somjabani thikhala Madai Ishorni dauri somoi somoi phaihi diha smau phaire. Dimaubani yahonha sere poilaha diha gasengre bo ashaba bemarjakhabo hamre. **5** Sbung saushi maithai thimji maithai jai limyaba araha khamhi dongba. **6** Jisu bokhe nuhi ishilai limba lauyaba thihi mithiba. Odebani bokhe singba, "Ning ham ma mijingdu?" **7** Limyaba thiphinba; "Gedemah dimaubaha ibo dikharnai ha dugru rimani ani saushibo eraha giri; Ang hapma bauba haning mlai hap sramdu." **8** Jisu bokhe thiba, "Baija yam tonkhuhi him." **9** Bohaning limyaba hamkha; bo yam tonkhu-hi langhi thang lakha. Okhali

Gerbani (Haitibari) basaing. **10** Odebani Judai hajara bo subungkhe dinide gerba se thiba, Jhini disa ha dara giri dini ning yam disai mani. **11** Bo bung thiphinba; "Angkhe limba hamri yaba sbung angkhe yam langhi thang thiba. **12** Bunshi bokhe singba; sere sbung ningkhe ibo rokhom thiba?" **13** Thikhabo limba hamri jauyaba sbung Jisu khe mithiya sunjabani thikhala oraha jon bangbi ar Jisu baijang khlaihi degaolang lakha. **14** Iboni iaohonha Jisu bo sbungkhe Maidaikhoha gronbaha thiba, "Knah, duha ning hamkha; pap khushi dadangshi niyakhade ar hamya dauhi jamakho." **15** Bo sbung ora niphrang thanghi Judani hojara niha sainthi hikha; angkhede Jisu limbahamriba; **16** Odebani bokhe saja rihi staima bauba sumjabani thikhala bo gerba basaingha limba hamri bani. **17** Bunshi ne Jisu thiphinba; Ani bupha nalaibo khushi dangdu ar Angbo dangma nangma." **18** Ibo graothai Judani hojara khe thamshi dungdaorihi staima bauka sumjabani thikhala Jisu Judaraoni dara disakhe sbaihi thaoya Ishor khe bo jarni bupa thibako ar ibo rokhom jang jarkhe Ishor jang baushi khlaiba.

[Basani Khomotha](#)

19 Odebani Jisu bunshine thiphinba; Ang gibikhe nishine saihthidu; basa jarni khushijang mushi khebo dangphuya; bupha dang bakhe nuhise dangphuba. Bupha smokhe dang re basabo danba. **20** Sumjabani thikhala bupha basakhe hamjauba; odebani jar sumukhe dangdu basane phunu thardu. Ibotha dedao yaba khushi dangma nebo phunu nangkho ar nishi khiripbo nuhi gmang nang. **21** Bede khlai hi bupha githikhe baija riba ar bunshine haiyu riphinba; Olaining basabo nang jauyaraone haiyu riba. **22** Jar saojang buphabo saoshi khebo bishar khlaiya Bishar khlaimani phura komota bo basa niha yaopha kha. **23** Odese khiripbo bupha khe mankhrai balaining basa khebo man khlaima. Sere basakhe man khlaiya bupha khebo man khlaiya sumjabani thkhala bose haihaba. **24** Ang gibijang nishikhe thidu; Sere Ani grau khe khnarcar Angkhe haiha yabakhe lonrejhug jhug ni haiyu mainma, bo bishar khlai jauya sumjabani thikhala bode gthi niphrang haiyu mainphinkha. **25** Ang nishine gibikhe sainthidu; bubli phaidu bubli sophaikha ghitbo Ishor basani khurang khe khna nang

ar sere khnare bunshi haiyu main ma. **26** Bupha haiyu ni ashol yaderma jaba laining basa khebo haiyu ni ashol yaderma jamane khomota riba. **27** Ar bo basa nebo bishar khlaimane khomotha riba; sumjabani thikhala bode marshini basa se. **28** Dagmang bubli phaidu jekhali khirip gthirao buthubo boni khurang khe khna nang. **29** Ar mangkhlong nigrang baigonang; hamba khushi dangyaraao baigohi phinthangphphinma; ar hamya khushi dangyaraao baigohi saja rijauma.

Jisuni shakhi

30 Ang Jarni boljang mushibo khlaiphuya; Ishor sanl balai Ang bishar khlaiba. Odebani ani bishar gibi sumjabani thikhala jar nang jao balai Ang sesta khlaiya; thikhabo ang khe haiha yaba nang jao balaise. **31** Ang jarni sakhi jalakhade ani sakhi gibinia. **32** Ani khlaihi sakhi jayaba sausi dong ar ang tharmaindu buni sakhide gibise. **33** Johan saoshi sere nishiniha graujma diyarao khe haihaba bo grau gibi khening jobase. **34** Ang marshini shaki nangjau daoba grau niya; Ang thiyyaba graude nishi gola nangthi yabase. **35** Johan thaopari mashi lai jinghi jnah riduar nishi khaisa thikhabo ibojang khajama nang jaola. **36** Thikhabo aniha Johan ribathah dedaoyaba shakhi dong. Ang smo khlaidu ani buphani khushi iaoblai dangmane riyaba; ibo buthu ani khlai hi grau jodu ar bupha angkhe haihaba thihi phunudu. **37** Ar angkhe haiha yaba bupha ani basoha sakhi jadu. Nishi boni khurangkhe khnaba grikho ar boni mukhang khe nuba grikho. **38** Ar nishi boni grau jmakhe khaha dengya; sumjabani thikhala bo haiha yaba saoshikhe nishi lonya. **39** Jhug jhugni haiyu khe phoridu; Ar ibo grau kandi ni laishi angkhe ning sainthi base. **40** Thikhabo nishi haiyu main mane Aniha phaima mijingga. **41** Ang marshi raoni sgangha bumu jamane smaiya. **42** Sumjabani thikhala ang mithidu nishi smo rokomni sbung buthu; Ar Ang mithidu je nishi ni khaha Ishorni khlaihi maiya giri. **43** Ang babani khomotha jang phaiba; thikhabo nish Angkhe ajauya; bakhaliba sereba sereyaba jarni Khomotha jang phaire thikhade nishi bokhe ajau nang. **44** Nishi saoshi nigrang bumu main mani sesta khlaiya baukhade saojang yaba Ishor nigrang mainphudumu thikhala bedehe

nishi Angkhe lonma? **45** Thikhabo nishi dabou Ankhe iboning buphaniha thising higin yaba saoshi, nishi khe baba niha thi shing higinyaba bo Mose, sere niha nishi asha dongba; ashol yabase nishi khede phaingsingma. **46** Jodi gibijang ning nishi Moses khe lonre thikhade Angkhebo nishi lonmase sumjabani thikhala boning Angkhede reblangba; **47** Thikhabo rebyabakhe nishi lonyaba niphrangla Ang thiba graukhe nishi bedehe Jonphuma?"

6

Jisu subung rijingbowakhe jiriba

1 Iboni iaohonha Jisu Galili dikharnai, (bo dikharnai khe Tiberia bo thire) baihi thangba. **2** Limyarao khe hamriba nuhi gmanghi sbung buthu bokhe rikphaba. **3** Jisu hadingha thanghi boni iaohon rikyarao jang baushi khamba. **4** Baiglaini melni bubli sophaima jakha. **5** Jisu naiding baibaha sbung buthu buthu boniha phaiba nukha; **6** Odebani Philip khe singba; "I bo sbung buthu ne jiri mane braha brai hima kho?" (Philip khe kha mainmani sumjabani thikhala jing bo ilai thiba, bede khlaima nangdu bo jarde mithiladu.) **7** Philip thiphinba "Khirip ne khaisa khaisa thikrima thikabo roti braibaha rang rajagni nangmase." **8** Boni saoshi sisho Simon Peter ni bdah Andria thiba. **9** Eraha ansa saoshi dong, boniha atta ni roti dobowa ar nah magni dong; thikabo ibo sbung buthu nede ilai jang de bangya." **10** Jisu bushi khe thiba, sbung buthukhe khamrida. (Oraha samphang bungphang bang bi) odebani khirip sbung buthu bo khamkha; oraha khiripjang rijing bowalaijadu. **11** Jisu roti khe lahi Ishor khe bihi oraha khamyarao sbung buthu khirip nebo ronriba, nah khebo olaining ronriba; ar khiribo jihashi mainji tharba. **12** Bunshi khirip jiblaihi sishorao khe Jisu thiba, glaiyaba buduri buthukhe khonkhu hi bojom khlaithar; buduri mashibo dadang khlai; **13** Odebani bunshi buduri buthu khe khonkhu tharhi khamphlu maji gniha bojom khlaiba roti dobowani buduri glaiyaba niphrang. **14** Jisu ni ibo gmang tharoshisi yaba iaoblai khe nuhi sbung buthu thiba, "Gibijang ning ibode gora sali; ibo hapsauha phaigin yaba." Jisu mithidu bunshi phaihi boljang bokhe remhi raja slam ma

baudu; Odebani bo oraha niphrang gnehi hading gede thang laba.

Jisu dibasauba himba

16 Sainbli japhaikha boha Jisu ni, sishorao dikharnai gede thangba; **17** Rungha gahi dikharnai baihi Kapernaum gede thangba; Hor japhai kha thikhabo Jisu bunshi niha sophaiyakho. **18** Baryung phaihi dismau phaikha, **19** sishorao mel bowa rung jaukha, Boha Jisu khe di-gejerha songhi bunshini gede phaiba nuhi buthujang khinlai ba. **20** Jisu bunshi khe thibanihi dakhin, Angse! **21** Odehe bunshi Jisu khe lonhi rungha garihi langba; Odehe sgangha bunshi thangma bauyaba jagaha sohia.

Sbung Jisukhe smaidu

22 Iaohon basaingha dikhornidi dergong mashi gede dongyaraao khiripbo orha rung mashi sening dongba thihi mithiba. Bunshi mithidu Jisu boni sisho raojang rungha thangphaya; Odebani bokhe garhi thanglama bauba. **23** Gibin rung buthu Tiberia niphrang didergongha sophaikha; sbung buthu Gabara ashirbad riblai hi roti jiblaihi khamlai hi dongba. **24** Sbung buthu oraha Jisu khe ar sihorao khe giri thihi mithihi bunshi khiripbo rungha gakhuhi bokhe nai himane Kapernaum ha thangba.

Jishu hayuni makham

25 Sbung buthu dikharnai ni gabin didergong gede Jisu khe goron hikha; Ode bunshi Jisukhe thiba, "Silingriah, ningla bahkhali se eraha sophai kha?" **26** Jisu thiphinba "Ang nishine gibi khening thibase; nishi Angkhe smaiba; nishi nang jaubalai roti main ji kha; thikhabo nishi Ani iaoblai khe bujhi bani khlai hide niya. **27** Main ji mani khlai hi sening khusi dadang bode hamya jatin yabani khlai hise iboni jagaha; khusi danghi main jima ar jhug jhugni haiyu main ginyaba khushi khe dang, lbose ashol jiginyaba marshi ni sa saoshi nishi ne rinang samjabani thikhala Ishor basa boni saoha khomotha yaupha riba." **28** Odebani bunshi bokhe singba; "Ishor smo rokhom bedehe nangjauba jing bedehe khlaihi khushi dangma

nangre?" **29** Jisu thiphinba, Ishor nishi khe nang jau yaba khushi bo hai ha yaba saoshikhe lonma nangjauba. **30** Smo rokhom gmangsishi yaoblai ning phunu phunung; Odehe jing nuhi ningkhe lonphunang? Ning bedehe khlaima? **31** Jini phagararao gdahah hajeng lingha sorgoni Manna jiba, grau kandi ni laishi ha repba dong; "Bo shorgo niphrangjimane roti rihaba." **32** "Ang nishi ne givi khe thidu," Jisu thiba. **33** "Smo roti khe Mose nishine riba bo shorgo niphrang niya; Ani buphase nishine ashol yaba roti khe shorgo niphrang haihaba arhapsauha hangribase." **34** Bunshi singba, "Gedema jinthane nalaibo ibo roti khe ri." **35** "Ang ning hayuni roti", Jisu bunshi khe thiba. Sere aniha phaire mushi kahlibo hukhriya; sere angkhe lonre mushi kahilbo digangya. **36** Duha nishe khe ang thidu; nishi Angke nukha thikhabo nishi lonya. **37** Sere sere Ani baba angthanc riyaba buside aniha phaimase; Sere ani ha phaire saoshi khebo Ang phaijau phuya jaya. **38** Samjabani thikhala jar baubalai dangmane Ang shorgo niphrang phaiya, thikhabo angkhe haiha yabani khushi mote dangma nise. **39** Ar angkhe haiha yabani bauthai ni mote sere sere khe angthane bo riba saushi khebo ang gmah jau phuya; thikhabo Ang bunshi khirip khebo iaohon thao kahli ha haiyu rihi shuguma nangma. **40** Samjabani thikhala ani baba nang jaudu sere sere sa saoshi khe manire ar lonre bunshi jhug jhugbo haiyu main ma nangma; Ar iaohon thao khaliha bunshi khiripkhe haiyu rihi ang shuguma. **41** Sbung buthu boni khlaihi jiu jalaikha samjabani thikhala. "Ang ning Shorgo niphrang phaiyaba roti." **42** Odebani bunshi thiba, Ibo sbung Jisu, Joseph ni basa, bo niya?" Jing boni buma buphakhe mithidu; bede khlai hi bo Shorgo niphrang phaiba thiphure? **43** Jisu thiphinba nishi ni bishingha jiu dajalai, **44** "Saoshibo aniha phaiphuya ani bupha angkhe haiha yaba aniha shik phaya thikhade, ar ang bokhe iaohon thao khaiiha haiyu rihi shuguma. **45** Gorashali rao repba; khiripbo Ishor jang siling rijauma," Sere babani graukhe khnare ar silingre bunshi aniha phaima. **46** Iboni ortho sereba baba khe nuba grau niya; sere Ishor niphrang phaiyaba bosening saoshi buphake nuyaba. **47** Ang givi khe nishine thidu; sere lonre jhug jhugbo haiyu main ma. **48** Ang ning hai yuni roti. **49** Nishini phagararao hajeng lingha Ishor riyaba Manna jiba, thikhabo bunshi titharkha. **50** Thikhabo roti shorgo niphrang phaiya

bade oiaiaba rotiniya ar sere jire mushi khali bo thiya. **51** Ang thanghi dong yaba haiyuni roti Shorgo niphrang akhaihi phaiyaba. Jodi ishaba ibo rotikhe jire jhug jhugbo thanghi dongma. Ang riginyaba roti de ani bahain hapsao thang hi dong mane bokhe ang riba. **52** Ibokhe khnahi bunshini bishingha grau banglaiba. Bede khlaihi ibo sbung boni bahain khe jinthane jimani riphure? Bunshi singba. **53** Jisu bunshi khe thiba, Ang nishine gibi khening thibase; Jodi nishi marshi basani bahaing khe jiya thikhade; ar boni thikhe lingya khade; nishi jarni pran main puya. **54** Sere ani bahaing khe jire ar thikhe lingre jhug jhugbo haiyu main ma ar iaohon thao khaiiha bokhe ang haiyu rihi shuguma. **55** Samjabani thikhala ani bahaing ashol jimu; ani thise ashol lingmu. **56** Sere ani bahaing khe jire ar thikhe lingre aniha thanghi dongma, ar Ang boniha dongma. **57** Thangi dong yaba baba angkhe haihaba ar boni khomotha jang ang thanghi dongba. Olaining sere angkhe jire ani khlaihi bo thanghi dongma. **58** Ibo gibi yaba roti Shorgo niphrang phaiyaba; Ibo roti nishini phagararao jiyaba roti lai niya nihi iaohon ha thidu. Sere ibo roti khe jire jhug jhugbo thanghi dongma. **59** Kapernaum ha dongbaha raji nokhoha Jisu ibokhe siling riba.

Thauglau hayuni grauthai

60 Bokhe rikphayara ni buthu habo ibokhe khnahi thiba, Ibo silingrithai hamshi ning dubi sere khna phure? **61** Tikhabo Jisu mithidu bunshini bishingha iboni khlaihi jhiw jalaikha. Odebani bunshi khe thiba. Iboning nishi khe gamanggiji khaikha? **62** Thikhaia, marshini basakhe braha sgangha dongba oraha thangphin bakhe numa nang jauba? **63** Ishorni bese se haiyu riba, marshini bol mushihabo gtaya. Ang nishine sainthi yaba grauhai buthu Ishorniphrang haiyu riyaba beseni grause. **64** Thikhabo nishi lonya jadu. (Puila niphrang Jisu mithidu sere beleiyaba lonya giriyaba ar sere bokhe biphot ha rishing giniaba). **65** Ar bo thibakho; ibo samjabani thikhala mashi saoshibo aniha phaiphuya babajang Lama phunu jauya thikhade. **66** Ibo samjabani thikhala jing Jisu khe rikphayara buthu phintar lang lakha ar bojang thangphayakha. **67** Odebani boni jhigini sisho raokhe singba; "Ar nishi bo garhi thanglama baudu?" **68** Simon Peter

bokhe thiphinba "Gabara jing sere niha thangma?" Ning jhug jhugni haiyuni khlaihi grau jobala. **69** Ar duha jing londu ar mithikha ning saoshi gathar yaba Ishor niphrang phaiyaba." **70** Jisu thiphinba; Ang nishi jigni khe saikhuya niya? Thikhabo nishini bishingha Soitan saoshi dong!" **71** Bo Judani graukhe thiba, Simon Iskariot ni basa: Kharon Juda Jisu ni shiso saoshi thikhabo boning Jisu khe hamya bauyaba.

7

Jisu ar boni khaphiungthu

1 Iboni yaohyonha Jisu Galiliha thangba; bo Judaiha thangma mijingga; Karon oraha Judani sbung buthu bokhe staimane naibaidu. **2** Oraha dongyaraao khibsa danghi dong glang mani bubli sophai majakha. **3** Odebani Jisu ni bda-buphlungthu bokhe thiba, "Ibo jaga khe haigarhi Judai-ha thang." Odese nini iaohon nikyaraao ning dangba iaoblai khe numa. **4** Saoshibo jar khushi dangba khe huiya jar mlaijang mithi jauhi bumu jama mijing khade. Ning ibo buthu khe dangba niphrangde phirti phalangbo ningkhe mithinthig" **5** (Boni buphlung thu mangmangbo bokhe lonya) **6** Jisu bonshi khe thiba, "Ani ashol bubli sophaiyakho. Nishini khlaihi ishaba bubli bo jadu. **7** Nishi khe pirthi phalang mushu phuya; thikhabo Angkhe mushu du. Kharon Ang thihi dongdu je iboni lama buthude hamya. **8** Nishi melha thang lah Angde thangya; ibo melha sumjabani thikhala Ani ashol bubli sophaiyakho. **9** Ode thihi bo Galiliha donglaba.

Jisu lengoni melha

10 Boni bda-buphlung thu melha thanbani iaohonha bo oraha thangkha; thikhabo hamshi mithi jauyahi phirik phirikse thangba. **11** Judani sbung hojaraao melha bokhe nai bai ba; "Braha bo sbung;" bunshi singba. **12** Sbung buthu jomajaya ba bishingha phirik phirik sainglai du; saoshi gni thidu bode subung hambase; ar gibinrao thidu bode sbung buthu khe

thegeiri ginyabase. **13** Thikhabo saoshibo khirip khna gothai thiya, kharon bunshi Judani hojarao khe khindu. **14** Mel gejher jamphai kha bohase Jisu Madai Khoha thanghi sebring hiba. **15** Judani sbung hamshi gmanghi thiba. "Ibo sbung bede khlai hi ilai mithi kha mushi khalibo silingba girihi?" **16** Jisu thiphinba; "Sumokhe ang siling ridu ibo ani iaoblai niya; ibo Ishor niphrang angkhe haiha yaba nise. **17** Sere Ishor nang jau balai dangma baudu bonshi mithinang siling riyaba Ishor niphrangthi na ang jarni bauthai khe thilabati. **18** Sbung ishababo jarni bauthai khe sainthi yaba jar bumu jala mani khlaihi; thikhabo sbung bokhe haiha yaba saoshini bumuni khlai hise thikhade bonide dush giri; ar boniha mushi moshol giri. **19** "Mose nishini disa khe ria; bo niya? Thikhabo nishi saoshibo boni disakhe maniya. "Sumjabani nishi Angkhe staima bauba?" **20** Nishini bishingha masi sgo dong"! Githim laiyarao thiphinba "Sere ningkhe staima bauba?" **21** Jisu thiphinba; "Ang yaoblai mashi phunuba, ar nishi khiripbo gmangkha. **22** Mose nishi ne basa buthu khe sausinglini saogur rakhau mane hukum riba (thikhabo Mose de niya nishini phagraraose ibokhe yaowwai jenba), ar odebani nishi ansakhe gerba basaingha olai khlaidu. **23** Gerba ha ansakhe saogur rakhaw khase Mose ni disa baiyama; sumjabani angkhe nishi thamshi baigoba sbung saoshikhe ang gerba basaingha phura hamri banila? **24** Bajini jathaikhe naihi bishar dakhrai bishingni jathai gibi khe naihi bishar khlai."

Bo Messia?

25 Jerusalemni sbung buthu thiba: "Ibo sbung khening Judani hojarao staimane naibai ba?" **26** Naiha! Bo sbung buthu ni sgangha grau jodu ar bonshi thidu boni mushi dus giri! Bunshi gibi jang ibo sbung khe Messiah thihi mithidu? **27** Thikahbo Messiah phaikhade braha niphrang phaiba saoshibo mithiphuya; Ar jing khiripbo mithidu ibo sbung braha niphrang phaiba." **28** Jisu Madaikhoha siling ribaha grau bakjahi bo thiba, "Gibijang nishi angkhe mithidu Ar ang braha niphrang? Ang jarni khushijang phaiya; bo angkhe haihaba ibo grau gibi, nishi bokhe mithiya. **29** Thikhabo Ang bokhe mithidu. Kharon boniphrang and phaiba ar bo angkhe haihaba. **30**

Bonshi bokhe rimma baukha, thikhabo saoshibo boni saoha iao shuguya, kharon boni bubli sophaiya kho. **31** Thikhabo gitimlai yabaha bokhe lonyaba bangbi; Ar bonshi thiba, "Messiah phai khala ibo subungthah bang dauhi gmangthao sishi phunuphunangti?"

Jisukhe rirriitfane siphayarao haihaba

32 Pharisirao buthu gitimlai yabaha Jisu ni khlaihi seji lai bakhe khnakha. Odebani bonshi ar jonthai marao buthujang Jisu khe rim mane sbung haihaba. **33** Jisu thiba, "Aug khaisa sening nisijang dongsime ar odehe angkhe haihayaba niha thanglama jakha. **34** Nishi angkhe naibai nang thihabo nishi angkhe nunang niya sumjabani thikhala. Ang donggin yabaha nishi thang phuya. **35** Judani khushi dangyarao jarni bishingha thilaiba; Braha bo thangma bauba jing nuhi phuya yaba jaga? Bo Grik ni sohor butuhua thangma bauba; oraha jini subung buthu dong ar bonshi khe siling ridu Grik sarao khe? **36** Bo thidu; jing bokhe smaimase thikhabo bokhe main nang niya ar bo dong gin yabaha jing than puya; Bo smu bauba?"

Hayu riyabani dimu

37 Melni iaohonthao basaing ar nangyaba basaing khaiiha Jisu song hi khurang bak khlaihi thiba, Sere digang jaure aniha phaihi dilingphai. **38** Laishini gonthaiha repba dong; Sere Angkhe lonre; hayuni diriyaba dimuh boni kha niphrangdiri nang. **39** Jisu ibokhe beseni garao ha thiba, bokhe lonya raomidi ajaumana thangba. Boni somoiha bese rejau yakho sumjabani thikhala bo samoiha Jisu mohima mainyakho.

Sbung grausi jalaiyaba

40 Saopau gitim laiya raoni bishingha ibokhe khanhi thiba, "Ibo sbung ashol Gorahshali ning." **41** Gibinrao thiba, "Bode Messiah se!" Ar gibin sbung buthu thibakho, "Messiah de Galili niphrang phaiya. **42** Laishini gonthaiha thidu; Messiah de Raja davidni sengphong niphrang phaih yaba ar David donglang yaba Bethlehemni sohor masi hase hajaima. **43**

Odebani gitim laiyaraoni bishingha thugni jakha. **44** Saopau bokhe rim ma baudu thikhabo saoshibo boni saoha yao shuguya.

Judani Hoja Ionyayarau

45 Jekhali rimgin yarao thangpin lakha; Jonthai marao ar Pharisirao bonshi khe singba; "Sumjabani bokhe rimhi labuyaba?" **46** Rimgin yarao thiphinba; saoshibo ibo sbunglai grau joyaba giri kho **47** Nishikhe bo gibir mosongkha? "Pharisirao bunshi khe singba." **48** Nishi bakhala mithikha Pharisirao ni bishingha ar Judaraoni khushi dangyaraoni bishingha saoshilai bokhe lonyarao dong? **49** Ibo gitim laiya rao buthu Mose ni disakhe mithiya; odebani bonshi Ishorni naimato. **50** Phirisiraoni bishingha Nikodemas thihi saoshi dongba; bo sganghabo Jisu khe naima thihi thangba. Bo mlaini sgangha thiba. **51** Mushini dush mainyahi sbung khe jing edening sjam phuya jini dara mothe. **52** "Bonshi thiphinba, 'asha', ningbo Galili niphrang? Laishi gonthai khe pori ode ning mithinang Gorahshali saoshibo Galili niphrang phaiba giri."

8

Masainjik khusi hamya dangbaha rimjauba

1 Jar jarni noha khiripbo thanglai-kha, thikhabo Jisu de Olives nihadingha thangba. **2** Phin phorong maha bo Madaikhoha thangphinba. Khirip sbung buthu orah bojhom alaiba; ode bokhamhi silingri mani jenba. **3** Disani hojarao ar Pharisirao uljahi rimjau yaba masainjik saoshikhe labuba, ar bokhe khiripni sgangha songriba. **4** Bonshi Jisu khe thiba, "Silingriah, Ibo mahsainjik uljabani rimjauba. **5** Jini disaha ilai yaba mahasainjik khe longthai lemhi staima nangdu thihi Mose hukum riba. Duha ningbede baudu?" **6** Jisu khe rimmani karon jang bonshi ibo graukhe thiba ode jangse bonshi bokhe jera riphuma; thikhabo bo nahayah iaooshi jang haha repbai hi donglaba. **7** Oraha songhi dongiarao bokhe singba. Bo jar kamplenghi bonshi khe thiba, "Nishi no bisingha sere phap khusi dangba

giri bo phuila masainjik khe longthai lemla laphure." **8** Olaining gonghi haha rep bokha. Ibokhe khnahi bonshi saoshini yaohonha saoshi thangtharkha; radao yarao buthu thanglaba sgang. **9** Oraha Jisu saojang thaukha bo masainjik songhi dongya bahjang. **10** Bo songkuhi masainjik khe thiba, "Braha bonshi, eraha saoshibo girikha ningkhe bojnam khlaime ne?" **11** Mahsainjik thiphinba, eraha saoshibo giri, gedama." Jisu thiba, "Ode thikhade. Angbo ningkhe dangkhrai dauya; thikhabo ning eraha niphrang thang ar phap khushi dadangshi."

Jisu mulukni jnama

12 Pharisirao ni sgangha phin Jisu grau joba; "Ang hapsaoni waimijing", bo thiba, "Sere angkhe rikphare hayuni waimainma ar mushikhalibo andarha daubaima nangya." **13** "Pharisirao bokhe thiba," ning jarkhe jar duha sakhi rila du; thikhabo iboni mushi iaoblai giri." **14** Jisu thiphinba; "Niya, Ang jarkhe sakhi khlaire thikhabo; Ang thiayaba grau gibi; kharon Ang jarkhe mithidu Ang braha niphrang phaiba ar braha thangma. Nishi angkhe braha niphrang phaiba ar braha thangma mithiya. **15** Subungni jathaini basao ha nishini bishar; Angsaoshini basaohabo bishar khlaiya. **16** Thikhabo jodi ang olai baukhabo, Ani bishar gibi jamase sumjabani thikhala iboha ang saujang niya, angkhe haiha yaba baba angjang dongphadu. **17** Nishini disaha repyaba dong shakirao gnijang boshi grau jokhade ishalai thikhabo bunshini graukhe gibi maniba; **18** Ang jarni khlaiki sakhi ridu, ar angkhe haiha-yaba bababo ani khlaiki sa khi ridu." **19** Bonshi singba; "Nini bupha braha? Jisu thiphinba; "Nishi angkhebo ar baba khebo mithiya." "Jodi nishi angkhe mithikhade baba khebo mithi mase." **20** Madaikhoha siling ribaha Jisu ibo buthukhe thiba, khuta mashiha Madaine rimani bakso buthu deng yabaha; thikhabo bokhe saushibo rimya sumjabani thikhala boni bubli sophaiya kho. **21** Jisu bonshi khe thiphinba, Ang thanglama jakha; Nishi angkhe naibai nang; thikhabo nishi jarni papjang thimase; "Ang thangya baha nishi ihangphuya." **22** Odebani Judani hajarao thiba, "Bo thidu bo thangya baha jing thang phuya; Iboni mane bo jarkhe stai lama bauba?" **23** Jisu thiphinba "Nishi la

ibo hapsauni ba khlaha dongyara; thikhabo Angla basau niphrangse phaiba; Nishi ibo hapsau niphrang; thikhabo Angde ibo hapsau niphrang niya. **24** Odebani nishi khe Ang thiba nishide jarni papjang tihmase; Ar nishi papjang thimaning glaimase jodi nishi lonya thikhade, sere ang." **25** Bonshi singba, "Ning sere? Jisu thiphinba; phuila niphrang nishine Ang sumukhe thikha. **26** Ang nishine thima bangbi; nishi khe dangkhrai mani khlaihi nangyaba garao, sumjabani thikhala angkhe haiha yaba saushide gabi yaba; ar boniphrang khnah yabakhe ang hapsaune sainthiba. **27** Bonshi bujhiya Jisu bunshine buphani graukhe sainthi bakhe. **28** Odebani bonshikhe bo thiba," Jokhon nishi marshini basakhe shugu nang; nishi angkhe sere thihi mithi nang okhali nishi mithinang jarni khomota jang ang mushi khebo dangya, thikhabo ang thiyaba grau baba smokhe thima saniba olaisening. **29** Ar angkhe haiha yaba angjang dong; bo angkhe saujang haigarya, sumjabani thikhala nalaibo bo khusi jabalai se ang dangba." **30** Sere sere Jisu thibakhe khnah kha bokhe lonba.

Nokhor ar Nokhoriyyaya sbung

31 Odebani bokhelonyara buthukhe Jisu thiba. "Jodi nishi ani sibringthaikhe manier; nishi gibijang ani sishorao; **32** Nishi gibikhe mithinang ar giviyyaba ni shike sogonang." **33** "Jing Abraham niphrang phaiyaba bongso", "bonshi thiphinba ar jing saushinibo sakhor jaba giri." "Ning smo ni orthojang" nishi gonang thiba. **34** Jisu bonshikhe thiba, "Ang gibikhening nishine sainthibase; Sere pap dangre bo papni sakhor **35** Sakhor sakhor saushi budu giaude nokhor mashini bubra jahi dongya; thikhabo basa saushide thia sibo dongbase, **36** Jodi basa ningkhe haigar khade nishi gibijang ning gola phudu. **37** Ang mithidu nishi Abraham niphrang phaiyaba bongso; thikhabo nishi Angkhe staima baudu, kharon nishi ang siling ribakhe ajauya. **38** Baba phunu yabakhe Ang thiba, thikhabo nishini bupha smokhe thidu nishi dang ya. **39** Bonshi thiphinba, "Abraham jini bupha Jisu thiphinba." Jodi nishi Abraham ni basabishik jare, bo dangba laining, baushi nishibo dangmase. **40** Ang khirip khe dangba nishine gibikhe mithi rimani khlahi Ang Ishor niphrang

khnayabakhe; thikhabo nishi angkhe staima baudu, Abraham mushi khalibo ilai jaya. **41** "Nishini bupha dangba laining nishibo dangbase," Bonshi thiphinba; "Ishor sening saushi jini bupa, ar jing boni ashol basa." **42** Jisu bonshikhe thiba. "Jodi Ishor nishini bupha thikhade; nishi ankhe mavva nangmase; kharon ane Ishor niphrang phaiba, ar duha ang eraha dong. Ang jarni komota jang eraha phaiya, thikhabo bose haihaba. **43** Ang thiayaba graukhe smoni nishi bujhiyaba? Kharon nishi ani grau jmakhe khnamani bubaing ajau phuya. **44** Nishi nishini buphani basa bishik, bo soitan; ar ni shi nishini buphani jathaike yao waiba. Phuila niphrang bode subung staiyah se ar mushi khalibo gibi lama gede himya, kharon boniha gibiyaba jathai giri. Bo grau moshol jobade boni baishi khushi khese dangba; kharon bode moshol yaba ar khirip mosholni bupha. **45** Thikhabo Ang gibikhe thidu, ar odebani nishi Angkhe lonya. **46** Nishini bishingha angkhe papni dush dong thihi proman riphunang? Jodi ang gibikhe thikhala nishi smoni angkhe lonyaba. **47** Sere Ishor niphrang phaiyaba Ishor ni graukhe khnadu. Nishi thikhabo Ishor niphrang niya, odebani nishi khnaya.

Jisu ar Abraham

48 Bonshi Jisu khe singba; "Jing thiba jayaje ningla Samaritase ar niniha sgoni jathai dong?" **49** Jisu thiphinba; "Aniha mushi sgoni jathai giri. Ang babakhe man khlaidu; thikhabo nishi angkhe man khlaiya; **50** Ang jarni khlaihi man smaiya thikhabo smaiyaba saushi dong bo angjang gbahi bishar khlaidu. **51** Ang gibikhe nishine thidu; "Sere ani grau khe man khlaire mushi khalibo thiya." **52** Bonshi bokhe thiba, duha jing phura mithikhahniniha sgo dong." Abraham thikha, ar patrirao thitharkha, thikhabo duha ning thidu sere ning siling ribakhe manire mushi khalibo thiya. **53** Jini bupha Abraham thikha; ning botha dedao thilah phunang; Ning baudu? Ar patrirao bo thithar kha; ilai bauyaba ning sere?" **54** Jisu thiphinba, "Jodi ang jar khese man khlai lama thikhade bo mande mushibo niya. Saoshi angkhe man khlaiyaba dong bo ani bupha-ashol yaba sere khe nishi nishini Ishor thiayaba. **55** Mushi khalibo bokhe mithiya thikhabo ang

mithidu; Jodi nishi laining angbo bokhe mithiya thikhade angbo nishilaining moshol thijau mase. Thikhabo ang bokhe mithidu ar boni graukhe man khlaidu. **56** Nishini bupha Abraham khajaba ang phaiba bublikhe naima mithihi; bo nukha ar khajakha." **57** Bonshi bokhe thiba, "Ning nokha maithai danmang mangbo jayakho Ar bede ning Abraham khe nukha?" **58** Ang gibikhe nishine thidu; Jisu thiphinba. "Abraham hajaiya saniha ang dong." **59** Ode bonshi lem mane longtain khonkhuba, thikhabo Jisu jar thimhi Madaikho haigarhi thangkha.

9

Gana hajayabakhe Jisu hamriba

1 Jisu daubaihi dongbaha, hajaiba niphrang gana subung saushikhe bo nuba. **2** Boni sishorao bokhe singba, "Silingriah, Sereni phapjang bo gana hajaiba. Boni nijeni phap na buma buphani pap." **3** Jisu thiphinba; "Boni gana boni phapjang ar bumabuphani phapjang mushi dophaya. Bo gana sumjabani thikhala boni khusini iaoblaiha Ishor ni bokhe nuphuma. **4** Saing jadushi angkhe haiha iabani khlaipi jing khushi dang hi dongma nangdu; hor japhai khaning saushibo khushi dangphuya. **5** Ang hapsauha dongbahade ang ning hapsauni waimijing. **6** Ibokhe thihi, Jisu haha khudi thuhi khudijang khaisa didap slamhi; bo subungni muthaiha lepphahi **7** thiba "thang Siloamni dikhemai ha muhkhang susha." (Iboni bumu mane haiyaba). Odebani bo subung oraha thanghi susha hikha, ode muh nuhi phaiphin kha. **8** Boni no harirao ar gabin sbung buthu bokhe sgangha bikha khlaiba nuyarao singba; "Ibo sbung ning nalai nalai khamhi bikha khlai baiyaba? **9** "Saupaothidu boning ar gabinrao thidu bode niya, bolaise jasoshi nulaba." Bo jarning thilakha; "Ang ning bo." **10** Bonshi singba, duhala bedehe khlaipi ning nuh nukha? **11** Bo thiphinba, sbung saushi Jisu thiayaba didap khaisa slamhi ani muthai-ha lepphanhi Siloam diha thanghi mukhang sushama saniba. Odebani ang thanghi sushaba jang muh nuphin kha." **12** Bonshi singba "Bo sbung braha dong? Bo thiphinba, "ang mithiya."

Pharisirao hamribakhe singba

13 Ode bonshi bo sbung gana khe Pharisirao niha langkha. **14** Jisu didap slamhi muthai gana khe hamri khali gerba basaing. **15** Bo sbung khe Pharisirao bede khlaihi muh nuphinba singhba. Bonshi khe do thiba: "Ani muthai ha Bo didap lepphaoa; Ang mukhang subajang nuphinkha." **16** "Saupao Pharisirao thiba, ibo sbung de Ishor niphrang phaiyaba niya samjabani thikhala gerba basaing ni disakhe maniya." Gibinrao buthu thiba, "Phapi sbung bede khlaihi ibo rokhom gmangsishi phunu phuba? Odebani bonshini bishingha thugni jakha. **17** Odebani Pharisirao buthu bo sbung khe phin alangshi singba; "Ning thidu bo sbung nini muthai ganakhe hamriba-ningla bokhe bedehe baudu?" Bo sbung thipphinba, "Bode ghorasali saushi" **18** Juda khe maniyarao bo sbung gana dongba ar duha muh nuphinba thihi lonya; boni buma bupha khe long yashi. **19** Odebani bonshikhe singba; "Ibo nini basa?" "Nishi thiba, bolah ganase hajai ba thikhala bede jahi duha bo muh nuphinphuba?" **20** Boni bumabupha thipphinba jing mithidu bo jini basa, ar jing mithidu bo gana hajaiba. **21** Thikhabo jing mithiya bede khlaihi bo duha nuphinba; ar boni ganakhe sere ham riba, jing mithiya. Bokhe sing bo jarning thipphin rilaphudu. **22** Judaraokhe khinbani khlaihi buni buma bupha ilai thiba, kharon khusi jalai yaba grau dong jar sere Jisu khe Messiah thihi manire bokhe sunagog (Judaraoni Madaikho) niphrang rigkhaima. **23** Odebani boni bumabupha thiba, "Bo rakha, bokhe sing." **24** Phinshi olaining bo sbung gana hajai yaba khe longhi bokhe thiba "Garau gibi joma thihi Ishorni sgangha smaidang. Jing mithidu ningkhe hamri yabade paphise." **25** Bo sbung thipphinba, "Angde mithiya bo phapithi na niya, thikhabo ang mithidu ang gana dongba ar duha nuphin kha." **26** Bonshi singba; Ningkhe bo smo khlaiba? Bede khlaihi nini muthai ganakhe bo hamriba?" **27** Bo thipphinba; "Ang nishine thiblaikha. Sumjabani alang alang khnama mijhingga? Na nishi boni sisho jama bauba?" **28** Bokhe tamshi phunuhi thiba, "Ning bo subungni sisho janaidu; jingde Mose ni sishose. **29** Jing mithidu Ishor Mose niha grau joba; thikhabo bo sbung khede braha niphrang phaiba jing mithiva." **30** Sbung thipphinba; "hamshining gmangsishi yaba grau! Nishi

mithiya bokhe braha niphrang phaiba; thikhabo bo ani muthai ganakhe hamriba. **31** Jing mithidu Ishor paphirao khe khnanla mijingya; Bo khirip sbung buthu khebo khandu sere bokhe man khlaidu, ar bo nang jau balai dangdu. **32** Hapsau hajai jenba niphrang saushi khebo gana khe nuri phinba thihi khnaba girikho. **33** Ishor niphrang phaiya thikhade ibo sbung olai blainang niya." **34** Bonshi "Ning papjang hajaiba ar deba ar nign jingkhe segringma baudu kho?" Odebani bokhe sunagog niphrang rikhlaikha. **35** Jekhali ibo buthu khe Jesu khnaka, bo sbungkhe goronhi singba; "Ning marshini basakhe londu? **36** Bo sbung thiphinba; "Gedema angthane thi sere bleiyaba; odethikhade Angbo bokhe lonnang; **37** Jisu bokhe thiba, "Ningjarning bokhe nukha ar boning duha ning jang grau joyaba. **38** "Ang londu Gabara; bo sbung ode thihi Jesu ni sgangha yasgu thuba. **39** Jisu thiba, "Ang ibo hapsauha bishar khlaima phaiba; odese ganarao nuphinma ar sere nudu bonshi gana jama." **40** Saupao Pharisirao oraha dongphayarao ibo graukhe khnahi bokhe singba; "Gibi jangde ningbo bauya jing buthubo gana se janaidu?" **41** Jisu thiphinba; "Jodi nishi gana thikhade nishi dush japhuya; thikhabo nishi thidu je nishi nuphudu; iboni mane nishi niha dush dong."

10

Melma Bobra

1 Jisu thiba ang nishine gibi-khening thidu; sere sbung dauglap bode makhaw ar dakhu se. **2** Sere sbung dauglap gede dara mote hapre bode melmani rakhal. **3** Dauglap raukhiyaba bunthane dauglap khuru ridu! Bo bumu thihi jirik ba khurangkhe melma buthu khnadu are bo bajiha lang smaidu. **4** Bonshi khebajiha labuhi bo sgang himhi dismaidu ar melma buthu bokhe rikpahdu sumjabani thikhala boni khurang khe bonshi mithidu. **5** "Bonshi mlai gibinkhe rikphaya, thikhabo gabinrao niphrangde bonshi khaigrema Beseni ana i khuhi melma kho ha hapma baure sumjabani thikhala bonshi ni khurrang khede mithiya." **6** Jisu bonshi ne ibo kharmu khe sain thiba, thikhabo iboni orthokhe bonshi bujiya.

Jisu Madaini Melma Basha

7 Odebani Jisu thipinba; Ang nishine gabi khening thibase. "Ang melmani dauglap." 8 Gibin khirip ani sgangha phaiyarao makhaw ar dakhu gajah; ar melma buthu bonshi khe mitiya, 9 Ang ning dauglap; sere ainiha phaire bo goma ar bishingha hapma bajihabo thangma, ar jitan main ma. 10 Khaomane, staimane ar hamya khlaime makha phaiba: Nishi hayu main phure odejang Ang phaiba phura hayu mainmani phaiba. 11 Ang ashol melma naiya, melmani khlaiki thiphama mijing yaba. 12 Yaowai ni sbung ashol melma naiya niyabani ar melma bubra jayabani; rasha phaiba nukhabo melma buthukhe dangkhlaiki khaire; odekhai phlungre. 13 Yaowaini sbung khaiba sumjabani thikhala bode yaowai jang khushi dangbani melma buhukhe khial lahya. 14 Ang ashol melma naiyah. Baba angke mithi balai ning angbo baba khe mithidu. 15 Olaining Ang Jarni melma buthu khe mithidu ar bonshibo angkhe mithidu; Ar ang bonshini khlaiki thilama mijingdu. 16 Oraha gabin melma buthu dong bonshi anithikhabo bonshibo melma khoha giri; bonshikhe ang labuma nangdu; bonshi ani khurangkhe khnamase ar bonshi buthu rakhal saushi jang thushi jatharma. 17 "Baba angkhe maiya nangdu sumjabani thikhala ang hayu rimane raji jadu; yaohon ha ibokhe ang main phin gothai. 18 Saoshibo ani niphrang ani hayukhe langla phuya. Ang jarni khushi jang garlama. Ani ibo rokhom jar hang garla mani hok dong ar ibokhe main phin mani ani hok dong. Ibo rokhom ani bupha angthane hukhum riba." 19 Ibo grau buthuni khlaiki oraha sbung buthu dblgini jakha. 20 Bonshini bishingha thilaiba; "Boni hade sogo dong; Bode gibirse; Sumjabani bokhe khnaba?" 21 Thikhabo gabinrao thidu; "sbung sogo lai yabade ibo rokhom garau joya; Bded khlaiki sogola gana rao khe muh niruphin ma."

Jisukhe maiyaba

22 Maishingni bubli, ar Jerusalemha grao ribani mel jaba. 23 Jisu madai khoha Solomonni rondaha himbai hi dongba. Boha ning sbung buthu gitimlai phaihi bokhe singba. 24 "Bishilai lauhi nini jihgkhe ibo rokhom

jonthairihi dengma? Garao gibikhe jinthane sainthi ningla Messiah ria sere? **25** Jesu thiphinba; Ang nishine sainthi tharkha, thikhabo nishi lonya. Ang nishine thiyaba garau ani buphani khomotase ani khlaihi grau joba. **26** Thikhabo nishi lonnang niya kharon nishi ani melma buthu niya." **27** Ani melma buthu ani khurang khe khnadu, Ang bonshi khe mithidu ar bonshi ang jang rikbai du. **28** Ang bonshine jhugni haiyu ridu, ar bonshi mushi khalibo tihya. Saoshibo bonshi khe aniphrang kawlang phuya. **29** Ani bupha smokhe anthame riba khriphthane dedau yaba. Ar saushibo bonshi buthukhe babani khial niphrang sephuya. **30** Babajang ang mashi." **31** Sbung buthu olaining lemmane longthai khonlai bukha. **32** Jisu bonshi khe thiba. "Ang nishini sgangha gbang khushi hamba dangkha; baba dang thihi riyaba khushi khe; ibo buthuni bishingha mashi magni ni khlaihi nishi angkhe longthai lemma bauba?" **33** Bonshi thiphinba; "Hamba khushini khlaihi jing ningkhe longthai lemma bauya; thikhabo nini grau buthu ni khlaihi; Ning sbung saushi sening thikhabo ninning jarkhe Ishor slamma baudu." **34** Jisu thiphinba," Ishor thiba je nishini disaha rep yaba ba dong, "Nishi madai gjah. **35** Jing mithidu smokhe laishini gonthaiha thiayaba, mlaibo gibining; ar Ishor bo sbung buthu khe madai gjah thiba, je sbung buthu ne bodi graujmah khe riba; **36** Ani grau; Angkhede baba saikhoba ar ibo hapsaoha haihaba, Bede khlaihi nishi angkhe grau gushu thipure sumjabani thikhala Ang de Ishorni basa thibani khlai hi? **37** Angkhe dalon, jodi ang nai baba nangjauyaba khushi khe dang yare thikhade. **38** Thikhabo jodi ang bo buthukhe dangre, nishi angkhe lonya jare thikhabo, ani khushi khe mangmangla nishi lonma nangre, odejang nishi phinshila mithilah phure; ar bo buthu khiripni khlaihi Bupha angjang dongba ar ang Bupha niha dongba." **39** Phinshi bokhe rimmane bonshi hishap khlaikha; thikhabo Jisu bonshini yao niphrang golang kha. **40** Jisu ode Johan Baptis riyaba jagaha Jordan dikhe baihi thangphin lakha; ar bo oraha dong hiba. **41** Sbung buthu buthu boniha phaiba. Bonshi thiba, "Johannide mushi gmangthao sishi yabade phunuya. Thikhabo sbung ni khlaihi bo thiayaba buthu gibining." Ar khirip sbung buthu bokhe oraha lonba.

Lazar thiba

1 Sbung saushi bumu Lazar; Bethani Jagaha dongyaba limba. Bethani sohor mashi braha Mary jang boni bahandao Martha dongba. 2 Mary ning gabarani igaha thao midimbakhe lukhruhi jarni khnai jang rushaba; Lazar thiyyaba boni bada limba. 3 Bahandao gnijang Jisu niha graujama rihaba; "Gabara nini maiyani lugu limdu." 4 Ibokhe khnahi Jisu thiba, Ibo limbani yaohon thaohajagin yaba Lazar thimanide niya." Ibo jabasumjabani thikhala Ishorni bumu jamanise ar ibojang Ishorni basa to bumu main ma." 5 Jisu Martha ar boni bahandao khe maiya nangba; ar Lazar khebo; 6 Thikhabo Lazar limdu thihi grau jmah mainhibo, bo oraha ar nokha hor gni dong lah kha ko. 7 Ode jarni sisho raukhe bo thiba, jing, Judaha thangphin nang." 8 Sishorao thiphinba; "Silingriah" khaisa sagangha sbung buthu ningkhe longthai lemma bauba, odebo ning thangphin ma baudu." 9 Jisu thiba, "Nokha saingsiha gontha jigini jadu na jaya? "Odebanisere saingha himdu bonide mushiso dophapha sikpha giri; karon ibo hapsaoni waike bo nudu. 10 Thikhabo sere horha himire banide dophapha sikpha bangbi sumjabani thikhala boni wai giri." 11 Jisu ibokhe thihi ar bauphaba kho; jini lugu Lazar thuhi thangkha; thikhabo Ang thanghi bokhe masha hima." 12 Sishorao thiphinba "Jodi bo thukhade, Gabara bo hamma jakha." 13 Jisu thiba ni ortho Lazar thikha; thikhabo sishorao bauba bo nalaili thulaba. 14 Odebani bonshi khe Jisu buji hi thiba, "Lazar thikha." 15 Thikhabo nini khlaihi ang khusi, sumjabani thikhala ang ning jang dongphaya; odese nishi lonma, thah jhing thanghi bokhe nai hi nang." 16 Thomas 'Jonja' boni lungurao khe thiba, "thah jing khiripbo Silingriah jang thangnang; jingbo bojang naipha hinang."

Jisu thangphiba ar hayu

17 Jisu phaihi nuphai bahade Lazar khe phipba nokha horbri jalangkha. 18 Bethani Jerusalem niphrang mel tham janang; 19 Judasarao Martha jang Mary khe waimu gorimane naiphai yarao bangbi bonshini bada tihbani khlaihi. 20 Martha Jisukhe phaidu thihi khnabajang goronlai hima

thangba; thikhabo Mary noha dongba. **21** Martha Jisu khe thiba, "Jodi ning eraha dongkhade. Gabara, ani bada thiya khamu; **22** Thikhabo Ang mithidu duhabo ning smokhe saindu Ishor ningthane rimase." **23** Jisu thiphinba, "nini bada thang hi baijha phinmase." **24** Bo thiphinba "Ang mithidu, yaohon thaokhalide bo than hi baijha phinma." **25** Jisu bokhe thiba "Ang ning thanghi baijha phinyaba ar hayu sere angkhe lonre bo thanghi dongma thiblai hi dongkhabo. **26** Ar sere thanghi angkhe lonhi dongdu bo mushi khalibo thiya; ibokhe nishi londu?" **27** Bo thiphinba; "Ha, Gabara; Ang londu ning Messiah Ishor ni basa; ibo hapsauha phaima thiyaba."

Jisu graba

28 Ilai thihi, Martha thangphin laba ar Mary khe phirik phirik thiba "Silingriaba eraha ning dong ar ningkhe smaidu." **29** Ibokhe Mary khnahi baija khuhi goron laimane thangba. **30** Bo somoiha Jisu nolaiha sophaiyakho; Martha lamjau hiyabaha dongkho. **31** Noha sbung buthu dongyaraao Mary khe waimu goriyaraao bokhe baijaba nuhi songkhuhi Mary jang thangphaba. Bonshi bauba Mary mangklongha gramane thang naiba. **32** Jisu dong yabaha sohibajang bokhe nuhi Mary Jisuni iagaha glaihi thiba, "Gabara" "Jodi ning eraha dongkhade ani bada thiya muh. **33** Jisu Mary khe graba nuhi, ar bojang dongpha yarao sbung buthukhe graba nuhi boni khaha hamshi dukhu nangkha. **34** Bonshi khe singba; "Nishi braha bokhe phipkha?" Bonshi thiphinba. "Gabara phai thangnang naihi nang." **35** Jisu grakha. **36** Bonshi thiba, "Nai bo bishi bokhe maiya nangdu;" **37** Thikhabo saushi gni thiba, "Gana subungkhe bo nuriphinba na bo niya? "Bo Lazar khe thiba niphrang sgophuya?

Lazar khe thangrphinba

38 Hamshi khaha bauhi dukhu nanghi Jisu Lazar khe pipyaba jagaha thanba; longthai ni longkhor ha phiphi longthai jang gablah bauphungba. **39** Jisu hukum riba; "bauphung yaba longthai khe molung khlaha." Martha

thiphinba, "Hamshi ning maram ma jakha, Gabara" phipba nolkha sainbri jalangkha. **40** Jisu bokhe thiba "Ang nishine thiba giri, jodi nishi lonkhade Ishorni bolkhe nishi nunang? **41** Bonshi longthai khe nekhau khlakha ar Jisu naikhu hi thiba, "Abai ang ningkhe khlimlah du, ani graukhe khnabani. **42** Ang mithidu ani grau khe khnadu; thikhabo eraha dongyangaba sbung buthuni khlaihi ang thiba, odese ning angkhe haihaba thihi bonshi lonma." **43** Ilai thihi; bakjang jirikhi bo thiba, "Baigo Lazar." **44** Boni yao iga ri meraihi ar mukhang habori meraihi; bo baigokha. Jisu bonshi khe thiba, "Bo ri merai yaba buthu khe khuruhi bokhe hai ha"

Jisukhe sthaimajaba

45 Mary niha phaiyarao ibo iaoblai khe nuhi bokhe lonba. **46** Thihkhabo bonsbini bishinha sauphao pharisirao niha phaihi Jisu ni iaoblai khe sainthi phaiba. **47** Ode Pharisirirao ar jonthai marao gitim lai hi mel kham hi sainlaiba; "Jing sumu khlaima? Ibo sbung khe, boni gmangthao shishi yaba iaoblai buthu khe naiha. **48** Jodi jing bokhe ibo rokhomjang haigar khade khiripbo bokhe long mase; ar Romsarao hamjau yamase; ar jini madaikokhe ar jadikhe sjam mase; **49** Bonshi ni bishhingga saushi Kaiapha thiyaba bo maithaiha jonthaimaraoni hoja jahi dong yaba thiba." Nishi gibir gjah. **50** Nishi bauba ringya khade nishini jadi gmaba tahla khiripni khlaihi bo sbung saushi khe sthaiba hamdau thihi? **51** Gibijangde bo jarni khlaihide ibo graukhe thiya; bo maithai ha jonthai-maraoni hoja jabani karon jang bo gonibalai thiba, je Jisu Jundaraoni khlaihi thima jakha; **52** Ar bonshini khlaihi sening niya thikhabo Ishorni sbung buthu phirti ha gashai tharhi dongyangarao buthukhe mithi mhi jomshi khlaimani khlaihi. **53** Okhali niphrang Judaraoni sbung buthu Jisu khe staimane thikkhlaikha. **54** Odebani Judai niha Jisu mijing balai daubaiya; thikhabo Jisu bo Jagakhe haigarhi hajengling jaga gbah Ephraim thiyaba sohor ha thanghi boni sishorao jang donghiba. **55** Baiglaini melni bublijama japhai kha; odebani sbung buthu khirip jaga niphrang Jerusalemha thangba melha sau tharmani khlaihi. **56** Khiripbo Jisu khe naibaiba ar Madaikhoha githim lai baha saushi jang saushi singlai ba; "Ningla bede baudu? Bode melha

phainangniya na phainang?" **57** Jonthai-marao ar Pharisirao sere Jisu khe nure saint hima nangma thihi khiripnebo hukum riba; odese bonshi bokhe rimphuma.

12

Jisukhe Betfianihah thau doriba

1 Nokha saingdoh Baiglaini mel sgangha Jisu Bethanniha; Lazar ni nolaiha thanghi donghiba; bo githikhe mathang phinyabani noha; **2** Oraha bonshi makham jilai mani salaiba; Martha sormohor jaba ar Lazar Tebil gbaha Jisu jang khambi dongba. **3** Mary thaojang slamyiaba bahai midimyaba hershi lai lahi Jisu ni iagaha lukhruba; ar ode jarni khnaijang rushaba. Noh khonglangbo bahai mihdimyaba gablai tharba. **4** Jisuni sisho saoshi Judas Iskariot Jisu khe yahonha rimriginyaba thiba. **5** Sumjabani ibo bahai midhim bakheta rajatham rang jang phaing hi dukhisarao ne riyaba? **6** Dukhisarao khe maiya nangbani khlai hi bo ilai thiya; Kharon bo makhau sbung. Bo joli khe langhi jar mainthar lahmamu. **7** Thikhabo Jisu thiba, "bo saojang donglathing, Diniha boniha angkhe phipma ne smo dong danglathing. **8** Ning jangde nalaibo dukhi saraoningdongmase, thikhabo ankhe de nalaide nishi main nang niya.

Lazar khe sthaima jaba

9 Jisu Bethaniha dongba thihi khirip sbung buthubo khnakha; odebani bonshi oraha thangba. Jisu khe naimane sening niya. Lazar Jisu jang mathang phinjau yabakhe naimane bo thangba. **10** Odebani jonthai-marao Lazar khebo staima naiba. **11** Kharon boni khlaihi Judarao buthu jontaimarao khe lonyahi Jisu khe longphaikha.

Jerusalemhah Jisuni yaublai hap ba

12 Phin basaingha Jisu Jerusalem haphaidu thihi khirip subung buthu baiglai ni melha phai yarao khnakha. **13** Odebani bunshi sman bedep khe

sauphrong dihi bojang goron laima thangba; buthujang jirik knauhi Hossana, Ishor bokhe khasau Gabarani bumujang phaiy abakhe; Ishor Israelsaraoni Raja khe khasau. **14** Jisu gada mashi mainba ode oraha gahi thangba Laishini gonthaiha thiba dongba lai. **15** Dakhin, Zion ni sohor; Eraha nini Raja phaidu, gada sauha gahi. **16** Boni somoiha sisharao ibokhe bujiya; thikhabo jokhon Jisu bumu japhaikha; Laishini gontaiha thiba garaukhe bonshi wain soba, ar boni khlaihi bonsi ilai jaba thihi bauba. **17** Lazar khe pipyaba hakhor niphrang longhon hi Jisu bokhe mathang phin baha nuiyaba sbung buthu bonshi nubakhe saingthiba. **18** Odebani sbung buthu bojang goronlaima thangba. Kharon bo gmangthao sishi phunu bakhe bonshi khnaba. **19** Pharisirao jarjang jar thilai ba; "Nishi nukha jingla deya khati; Nai; mulukh ni sbung khiripbo bokhe rikpha ba."

Greeksarau Jisukhe smaiba

20 Jerusalem ha mel jabaha madai khe bimane thangyaraoni bishingha Griksarao bo bangbi. **21** Bonshi Philip niha (Bo Galilini Bethsaida thiayaba piphrang) thanghi thiba, "Gedema; jing Jisu khe naima mijing dumu." **22** Philip Andrithtkhabo ibo niha thanghi sainthiba, ar ode gnijang thanghi Jisu khe thihiba. **23** Jisu bonshine thiphinba; "Duhu marshini basa bumu gede mainmani bublisophaikha. **24** Ang nishine gibi khe thidu; maishi gorongshibo bang dau riphuya kha jodi gorongshi khe haha dang khlaihi sthaiya thikhade. Ode thikhade bang dauhi bogrong baigodu. **25** Sere Jarni haiyukhe maiya nangre, bode gmajaure; sere jarni haiyukhe ibo hapsauha naislere bode jug jugni haiyu maingre.

Jisu jar thimakhe sainthilaba

26 Sere ani sakhor jama mijingdu, bonshi rikphama nangma. Odese ani sakhor ang braha dongdu donghi phuma; ar am bupha sere angkhe manire bokhe man khlainang. **27** Duha anikha dukhu maingkha ang smokhe thima? Ang thima, "Abai, ibo bubli niphrang angkhe sgo? Thikhabo iboni khlaihining ang phaibase odese ibo dukhuni bublijang ang thangphuma. **28**

Abai, nini bumu jamane labula; ode nokhasau niphrang khurang masi joba; ang bede bumu labu ridu ar olaining ang labu nangkho." **29** Oraha songhi dongyiarao sbung buthu khripbo bo khurangkhe khnaba; ar saushi gni thiba, ibode nokhasau girimbase; ar gibinrao thiba, degla saushi bojang sainlaiba. **30** Jisu bonshikhe thiba, "Ibo khurang ani khlaihi grau joiya thikhabo nishini khlaihise. **31** Ibo hab sauni khlaihi bishar khlaimani duha bubli jakha, duha habsauni hojaraokhe dangkhaima. **32** Jekhali ang phirthi niphrang basauha sgujaonang, khiripbo aniha phaima. **33** Ibokhe thihi bede khlaihi bo dukhu jahi thima bokhe mithiriba." **34** Gitimlaiyarao sbung buthu thiphinba, "Jini disa jinglhe thidu Messiah de naila. bo thanghi dongma. Ning bedehe thiphure marshini basa sgujaoma? Ibo marshini basa sere?" **35** Jisu thiphinba, "Nishini bishingha khaisade waimijing dongmakho; wai jdan dusi nishini lamakhening himla; ode thikhase nishini basauha andar phaiyama, sumjabani thikhala sere andarha himre jarkhe braha thangba mithilaya. **36** Nishiniha wai dongbahase jnamakhe lonla, odese nishi jnaphuma." Ilai thihi Jisu thanghi bonshijang baushi dongba. **37** Bonshini sgangha ibo buthukhe Jisu gmangthaosisi phunukha thikhabo bonshi bokhe lonya. **38** Odebani Phatri Isaiah thilangyaba grau gibijadu, Gabara sere longba? Jinthane graujma sainthiyabakhe; serene Gabara boni bolkhe mithiriba? **39** Ar odebani bonshi lonphuya sumjabani thikhala Isaiah bo thiba. **40** "Ishor bonshini mithaikhe gma khlaikha; ar bonshini khabo buiyama; ar bonshi anr gede haonrimane phai phuiyama." **41** Ibokhe Isaiah thiba, kharon Jisuni bolkhe bo nuba ar boni khlaihi graukhe joba. **42** Odejangse Judani sbung buthu hamshi Jisu khe lonba; thikhabo Pharisirao khinbani bonshi kha khuruphuiyaba; thikhaning Sunagog niphrang sgau jauma khinbani. **43** Bonshi Ishorni tha sbung buthuni bauthai khe lonba ar jajao dauba.

Jisuni graukhe bishar

44 Khurang baksahi Jisu thiba, sere angkhe lonre angkhe sening niya; thikhabo angkhe haihayabakhe londu; **45** Sere Angkhe nudu angkhe haihayaba khebo nudu. **46** Waimijing lai ang ibo hapsauha phaiba; ode

thikhase angkhe lonyarao khiripbo andarha dong nang niya. **47** Jodi ishaba ani graujmah khe khnahi maniyare; Ang bokhe bishar khlaiya; Ang ibokhe hapsauha bishar khlaima phaiya; thikhabo ibokhe sgomanese. **48** Sere ishaba angkhe niyah; ani grau jmakhe ajauyare; bokhe bishar khlaiginyaba saushi dong. Ang thiyan grauthai khening yaohonthaoha bishar khlaima. **49** Ibo gibi, sumjabani thikhala ang jarni boljang grau jolaya, thikhabo Abai angkhe haihayaba ang smo rokhom grau thima ar joma hukum riba. **50** Ar Ang mithidu boni hukum jhug Jhugni haiju ridu. Ang smokhe hukum thidu bokhening Abai angkhe thima sani base.

13

Jisu boni iaohon rikyaruani igakhe suba

1 Okhali basaing Baiglaini Mel jabani nokha saingin yaohonha. Jisu mithi ladu boni bubli sophaikha ibo hapsaukhe garhi Bupha niha thanglamani. Bo nalaibo ibo hapsauha jarni sbung buthukhe maiya nangba khasuba; ar bonshi khe khani maiyajang hamjauba. **2** Jisu ar boni sishorao (Yaohon rikyara) makham jilaihidongba. Jisu khe dush rimani-khlaiali soitan sgang haning Simon Iskariot ni basa Juda ni khaha hapblai kha. **3** Jisu mithidu Bupha buhthane purapuri bol riba; Bo mithidu je bo ishor niphrang, phaiba ar Ishor niha thanglama nangdu. **4** Odebani tabil niphrang baijhahi boni sola khe khohi; jengkhongha gamsa jang khaba. **5** Odehe daborha di lushinghi jarni sishoni iagakhe sushama jenba, ar jengkhongha dongyaba gamsajang rugarriba. **6** Bo simon Peter ni ha phaiba; Bo thiba, ning ani iagakhe sushama bauba; Gabara? **7** Jisu bokhe thiba, "Nishi duha bujhiya ang smokhe khlaiba; thikhabo nishi yahonha bujhinang" **8** Peter thiba, mushi khalibo ning ani iaga susha mainang niya; Jisu thiphinba, jodi ang niniegakhe sushaya thikhade; ning mushi khalibo ani sisho niya. **9** Simon Peter thiphinba; "Gabara, niyakhade khali iaga khe sening dasusha ani yao mukhang khripkhebo susha; **10** Jisu thiba, sere ishababo hamshi digrure bode phura rgaudu ar susha dauma nang yakha jarni iaga khe garhide. Nishi kripbo rgaubi saushi khe garhi. **11** Sere bokhe rimri-

ginyaba ashol dushmon Jisu mithilahdu; odebani bo thiba, "Saushi sening nishi khiripbo rgaubi." **12** Bonshi ni iaga susha blaihi jarni sola thuphinhi jarni khamthanha kham phin hikha. Bo singba; "Ang smo khlaiba nishine bujhidu nishi **13** Nishi angkhe Silingriah thihi ar gabara thihi jhirikba, nishi ilai thiba jhadu sumjabani thikhala boning ang. **14** Nishini gabara ar Silingriah nishini iaga surikha; thikhade nishi jarjang jar olai susha laima nangdu. **15** Ang nishine daogarise phunuba, ode thikhase ang nishikhe khlai balai nishibo khlaima. **16** Ang gibikhe sainthidu; sakhor saushibo boni bibratha dedauya, ar graujmah dihyah graujmah haiha yabatha dedauya. **17** Duha nisila ibokhe gibi thihi mithikha; nishi ilai yauwaikhala nishi bishi khaha khushi janang; **18** Ang nishi khirip khede thiya; Ang mithi ladu ang sere khe saikhoma. Thikhabo laishi ni gontai ha thiya bade gibining jamase. Sere ang jang makham jhilaiba bo ani dushman. **19** Ang nishine ibokhe jaya saniha sainthidu, ode thikhase japhai khali nishi lonma. "Ang sere." **20** Ang gibikhe nishine thidu, sere ang haihaiyabakhe manire angkhebo bo manidu, ar sere angkhe manire angkhe haihayabakhedo bo manidu.

Biphot hoklaiginyaba khe Jisu thiba

21 Jisu ibokhe thibani yaohonha khaha hamshi ning dukhu mainkha; ar ode bo thiplahkha; Ang gibikhe nishine thidu; nishini bishing-hasaushi de ani dusmonse." **22** Sisorao buthu gmanghi saushi jang saushi naithai laikha serekhe thiba bauhi. **23** Sisoraoni bishingha saushi; serekhe Jisu maiya nangdao thoyaba Jisuni gbaha khamyaba. **24** Simon Peter mauhi thiba, "Bokhe sing sere khe bo thiba." **25** Ode bo shisho saushi niha gbadauhi; phaihi Jisukhe singba; "Gabara sere belai yaba?" **26** Jisu thiphinba; "Ang rotikhe belaha jem hi Juda ne rihaba Simon Iskariotni basane. **27** Bo roti khe laha bahjang Juda niha Soitan hapkha. Jisu bokhe thiba, "Gebrelah ning dangma bauyaba khusi khe!" **28** Oraha khamlaihi dongyarao saushi bujhi phuya bo sumjabani Jisu bokhe olai thiba. **29** Juda se rangni jholikhe naishoyah jaba; odebani sishorau gijhishi bauba melha nangyaba bushtu smokhe braimane Jisu bokhe thangma sani baiba; na dukhisaraone rima

sani bathi.

Grau gdain

30 Juda roti khe lahi bajhiha thangkha. Boni somoiha hor. **31** Juda thanglahi Jisu thiba, "Duha marshini basani bumujamni lama khe mithirikha. **32** Ar jodi Ishorni bolkhe boni basauha mithiriba ar odejang Ishor marshini basani bolkhe boniha mithirima; ar bo mohima phunuma. **33** "Ani sashikrao Ang nishi jang gbang donyakha. Nishi angkhe smainang; thikhabo nishi khe Ang thidu duha Judani gede maraune thiab graukhe; Ang thangya baha nishi thangphuya." **34** Ar duha nishine Ang hukum gdain ridu; saushijang saushi maiya nanglai." Ang nishi khiripkhe maiya nangba-lai nishi jar jang jar maiya nanglaima nangmase. **35** "Jodi nishi niha saushijang saushini maiya dongkhade; khiripbo nishi khe ani yaohon rikyaraao thihi mithima."

Jisu khe yauhon rikmani Pitornismai

36 Simon Peter bokhe singba; "Braha ning thangma," Jisu thiphinba "Ang braha thangma duha ning angkhe rikpha phuya", thikhabo yaohonha ning rikphama. **37** Peter singba, "Gabara sumjabani duha ang ningkhe rikpha phuyaba? Ang nini khlaihi thiphudu." **38** Jisu thiphinba; "Ning gibijang ning ani khlaihi thi phunang? Ang ningkhe gibijang daola gisiyasanha ning phintham angkhe mithiya thima."

14

Jisu Buphaniha thangma ni lama

1 Bonshi kne Jisu thiba, Waimu ar dukhu danang. Ishor khe lon ar angkhebo lon. **2** Ani bupani noha jhaga bangbi, ar nishini khlaihi jhaga slam mane thangdu, ilai jhagin yaba niyade Ang nishi khe sainthima nangya mu. **3** Ar ang oraha thanghi nishine jhaga salaihima. Ang phaiphinhi nishi khe jarning lalah phainang. **4** Ode thikhase Ang dong

yabaha nishibo donghima. Nishi mithidu Ang thang ginyaba jhaga khe." **5**
Thomas bokhe thiba, "Gabara, ning braha thangma bauba jing mithiya,
thikhala bede khlaiki oraha lama thangyabakhe jing mithima?" **6** Jisu
bokhe thiba, "Ang ning lama, gibi ar haiyu; saushibo abai niha thangphuia
ang jang sening. Bonshi khe thiba, **7** "Duha nishi angkhe mithikha; Ani
bupha khebo nishi mithikha ar duniphrang bokhe nishi mithikha ar bokhe
nukha." **8** Philip bokhe thiba, "Gabara, jinthane buphakhe phunuri jing
bokhening nang jaubase." **9** Jisu thiphinba, "Ang nishi khiripjang
dongphaba laukha thikhabo nishi angkhe mithiya. Philip, Sere angkhe
nukha baba khebo nukha, thikhala sumjabani nishi thiba, "Baba khe
jinthane phunu? **10** "Ning lonya Philip, Ang abainiha dong ar abai aniha
dong?" Jisu boni sisoraokhe thiba, "Ang nishine joyaba grau buthu
aniphrang phaiyaba niya, Bupha angjang dongyabase jarni grau khe joba.
11 Angkhe lonlah; Abai angjang dongba ar Ang abai jang dongba thiayaba
grau khe; jodi niya thikade, Ang dangba iaoblai khe naihi lonla. **12** Ang
nishine gibikhe thidu; Sere angkhe lonre ang dangba-laining khusi
dangmase ar bo dedauyaba khusi khebo dangmase, kharon Ang abainiha
thanglama jakha. **13** Ar ang nishine dangrima sere smokhe ani bumujang
sainre." Odese basani basauha buphani iaoblaikhe numa. **14** Nishi smokhe
ani bumujang sainre Ang rima.

Bidimani grau sandi

15 "Jodi nishi angkhe maiya nangkhade nishi ani hukum khebo man
khlaimase. **16** Ang abai khe thila nang bo gabin jhuruyah rimase. **17** Bo
besi Ishorni gibi graukhe mithiri-yaba. Ibo hapsau bokhe ham jauya
sumjabani thikhala hapsau bokhe nuphuya ar mithiya. Thikhabo nishi
bokhe mithidu sumjabani thikhala bo nishijang dongbase ar nishi niha
dongmase. **18** "Ang thangla khabonishikhe saujiangde galangya; Ang
nishiniha phaiphin nang. **19** Khaisa yaohon haning ibo hapsau angkhe
nunang niyakha; thikhabo nishi angkhe nunang; kharon Ang thanghi ning
dongmase; nishibo thanghining dongma; **20** Jekhali bo basaing
sophainang; Ang abai niha dongbakhe ar nishi angjang dongbakhe nishi

mithinang; ang nishijang dongba laining. **21** Sere ani hukum khe manihi man-khlaire boning angkhe maiya nangyaba. **22** Angkhe maiya nangya bakhe abai bo maiya nangma. Angbo bokhe maiya nangma ar ang jar bunthane mithirilama Juda thiphinba, "Gabara, ibo bede japhure ning jingthane mithi rilama; thikhabo mulukhe niya." **23** Jisu thiphinba, "Sere angkhe maiya nangre Ang siling-riba khebo man khlaime. Ani abai bokhe maiya nangma ar ani buphajang angjang boniha phaihi bojang dong phaima. **24** Sere angkhe maiya nangya bode ang silingriba khebo man khlaia ar ang nishi ne siling riyaba ani nije niya; thikhabo angkhe haiha yaba abai niphrang phaiyabase." **25** "Ang nishijang dongba nishine ibo graukhe ang thiba." **26** Jhuruyah saushi bese gathar boniha abai ani bumujang haihama; bo nishine khirip jhadi khebo siling rinang ar ang thiayaba grau buthukhe nishine wain shorinang. **27** Khani shanti ang nishine galangdu; Ani nijeni shanti khe ang nishine ridu. Hapsauni shanti lai ang ibokhe nishine riya; waimu ar dukhu danang; dakhin nish. **28** Ang thibakhe nishi khnakha; Ang nishikhe garhi thang lama jakha; thikhabo Ang phaiphin nang nishi niha; Nishi angkhe maiya nangkhade ang abai niha thangma jaba khe nishi khusi jamase; khoron bode anghtha dedau. **29** Khiripjadi buthu jaya saniha Ang nishine ibokhe sainthidu; ode thikhase japhai khaiha nishi lonma. **30** Ang nishine grau gbang jomani somoi girikha; kharon ibo hapsaukhe salaihi dongyaba phaidu; Ani basauha boni khomota giri. **31** Thikhabo ibo hapsau mithima nangdu ang abai khe maiya nangba khe; odebani kharonjang bo riba hukum mote khirip jadi khusi khe ang dangba, "Phai jing eraha niphrang thangha nang."

15

Jisuning Buphangma

1 Ang ning angur biding ar ani pubha bari slamyah. Bhathai yaba bedep buthikhe ani prang. **2** Thaiya ang sbaidu; ar btha thaiyaba bedep buthukhe bo bosophaire; odese bekherreng dainma ar bhai thainba bangdaoma. **3** Nishikhe rgauri blaikha Ang nishne siling riya bahjang. **4** Jhomshi jahi

Ang jang dong; Ang nishijang jhomshi jahi dongpha nang. Angur biding bedep jar edening bthai thaiphuya. Bekherengha gba hi sidingba manyakade bthai thaiphuya. Bekherengha gbahi sidingba mainkhase bthai thaiphudu olaining nishibo angjang gbahi dongya thikhade nishi bthai than phuya. **5** Ang de angur biding ar nishi jakhade bedep buthu. Sere aniha dongdu, Angbo bojang ars bo bthai hamshining thainang sumjabani thikhala Ang jang niyahi nishi mushibo japhuya. **6** Sere Angjang dongya bungpang bedep lai dangkhrai hi pharain jaure ibo rokhom bedep buthu khe mithimhi waiha saujaure; oraha bonshi khamthardu. **7** Jodi nishi aniha dongkhade; ani grau buthu nishijang dongdu; thikhase nishi nang jau balai ishaba sainkhabo; nishi mainphuma. **8** Nishi gbang bthai thaikhase Ani buphani yahblai khe nuphuba ar ode thikhase nishi ani sisholai jaba. **9** Ani bupha angkhe maiya nangba-laining Ang nishi khe maiya nangdu; am maiyaha donglah. **10** Jodi nishi ani hukum khe mani khade Ani maia ha dongmase; Ang ani buphani hukum khe mani hi boni maiya ha dongbalai. **11** Ang nishine ibokhe thiba sumjabani thikhala Ani khaja-ma nishi niha dong nangthi ar nishini khaja-ma phura jhanangthi. **12** Ani hukum buthu edehe; nishi saushijang saushi maiya nanglai; Ang nishikhe maiya nangbalai. **13** Sbung saushi dedau thaoyaba maiya khe phunu phure jodi bo luguraoni khlaihi jarni pran khe rikhade. **14** Ar nishi ani lugurao jodi nishi ani hukum mote dangdu thikhade. **15** Ang nisikhe sakhor thihi ar jhirikyakha sumjabani thikhala sakhor mithiya boni bubra smo dangdu; odebani nishi khe ang luguraose thiba, kharon khirip jadi buthu khebo Ang bupha niphrang khnah balai nishine sainthi tharkha. **16** "Nishi Angkhe saikhoya; Ang nishikhe saikhodu ar khusi yaophadu nishi thanghi gbang bthai thaimane, suigin yaba bthai. Ar ode thikhase nishi smokhe ani bumujang saindu abai nishine rima. **17** Ibokhening Ang nishine hukum riba; saushijang saushi maya nanglai.

Hapsauni naiselethai

18 Jodi nishikhe hapsau naislere thikhade; wainsola ibode phuila Angkhese naisleba. **19** Jodi nishi hapsau nishe thikhade; hapsau nishikhe

jarni bauhi maiya nang nang. Thikhabo Ang ibo hapsau niphrang saikhodu ar nishi ibo hapsao ni niyakha; odebani kharonjang hapsau nishikhe naisledu. **20** Ang smokhe thiba nishi wainsola; sakhor saushibo bibratha dedauya. Jodi bonshi angkhe shajarire thikhade nishi bo shaja mainmase. Jodi bonshi ang siling ribakhe manire thikhade bonshi nishini siling-riba khebo manimase. **21** Thikhabo ilai nishikhe bonshi khlainang sumjabani thikhala nishi Anise; sumjabani thikhala angkhe haiha yaba saushi khe bonshi mithiya. **22** Bonshi phapni khlaihi dush rimjaoyamu jodi Ang phaiya-hi boshine grau jmah sainthiya thikhade; ibo buthuni kharon jang phapni khlaihi bonshi niha map girikha. **23** Sere angkhe mushu re bo ani Bupha khebo mushu base. **24** Bonshi phapni khlaihi dush jayamu jodi ang bonshini bishingha saushibo dangba giriya-yaba khushikhe dangya thikhade; Ang smokhe dangkha bonshi nubani kharonjang se ar bonshi angkhebo ar ani Abai khebo mushu banise. **25** Thikhabo ibo jamaning glaima, odejangse bonshini disaha smo repba gibi sophaima. "Mushini kharon girihi bonshi angkhe mushuba." **26** Jhuruyah phainang beso gathar Ishorni grau gibi khe mithi-riyaba ar Buphaniphrang phaiyaba khe mithiriyaba. Ang Abai niphrang bokhe nishi niha hainhanang; ar ani khlaihi bo grau jonang. **27** Ar nishibo ani khlaihi grau jonang sumjabani thikhala phuila niphrang nishi angjang dongba.

16

1 Ang ibokhe nishine thiba, sumjabani thikhala odejang nishi lonba khe garnang niyathi. **2** Nishi (Sunagog) Madaikho niphrang sgau-jauma se ar bubli phai nang ishabaha nishi khe sthaire bo bauma je ilai khushi dang base Ishor sohaba. **3** Sbungbuthu ilaijaba sumjabani thikhala boshi Abai khebo ar Angkhebo nithiya. **4** Thikhabo Ang nishine ibokhe sainthiba sumjabani thikhala jekhali boshi ibo rokhom khushi dangmani somoi sophai nang; okhali Ang thiba graukhe nishi wainsonang. "Phuilaha Ang nishine ibo buthukhe sainthiya sumjabani thikhala Ang nishijang dongpha bani."

Bidimani khusi

5 Thikado duha Angkhe sere haihaba boniha Ang thagma jakha thikhabo nishi saushibo angkhe braha thangma singya; 6 Ar duha Ang nishine thidu; nishini kha dukhujang gablaikha. 7 Thikhabo Ang nishine gibikhe sainthidu; nishini khlaihi Ang eraha niphrang thanglaba handau, jodi Ang thangyare thikhade; nishi niha jhuruyah phainang niya. Thikhabo jodi Ang thanglare thikhade; ang bokhe nishi niha haiha nang. 8 Ar jekhali bo phainang, boshi phapni khlaihi dush jakha, ar belei-yaba gibi thihi ar Ishorni bishar khe bo hapsauni sbung buthune proman rinang. 9 Boshi phapni khlaihi dush sumjabani thikhala boshi angkhe lonya; 10 Boshi gibikhe moshol baudu sumjabani thikhala ang Buphaniha thanglama jakha ar nishi Angkhe nunang niyakha; 11 Ar boshi bisharni khlaihi bauthai jaya, sumjabani thikhala hapsau khe yaowaiyaba bishar khlai jao blaikha. 12 Nishine Ang sainthima bangbikho; thikhabo duhade nishi khnahba bang jau mase. 13 Thikhabo ishakhali ha Ishorni gibi grau khe mithi riyaba bese phainang; boning nishi khe gibi yaba gede langnang." Bo jarni khomota jang grau jonang niya; thikhabo jar khnah yabakhe bo grau joma; ar japhai gin-yabakhe bo sainthima. 14 Bo angthane iaoblai riba sumjabani thikhala Ang smokhe thidu ar nishine sainthidu bo mani lamase. 15 Ani Abainiha bishilai khirip dong-yaba ani gajahning; Odebani ang thilja ang smokhe nishine ridu ar nishine sainthidu; bo ajaulamase.

Waimu ar khajama

16 "Khaisa yaohon niphrang nishi angkhe nunang niyakha; Ar ode khaisa yaohon haning nishi angkhe nuphin nang." 17 Sishorao saushi gni boshini bishingha sainglaiba; "Iboni man smo?" Bo thidu jing bokhe nunang niakha olaining bo jhingkhe thidu yaohonha bokhe jhing nuphin ma; Ar ibo thidukho; iboni kharon Ang abainiha thanglama jabani. 18 Ibo khai sa yaohonha thiayaba mane smo? "Jing mithi phuya kha bo smo grau khe joba?" 19 Jisu mithidu boshi bokhe singmase; odebani boshi khe bo thiba, Ang thiba, khaisa yaohon niphrang nishi angkhe nuyakha; thikhabo khaisa

yaohonha nishi ang khe nuphin nang. Ibokhening nishi duha nishini bishingha singlai ba. **20** Ang gibikhe nishine sainthidu; nishi granang ar mudi runang; thikabo hapsau de khajamase; nishi dukhu nang mase thikhado nishini dukhu khajataise jama. **21** Masaingjik nana hajaima japhai khade waimu nangre sumjabani thikhala boni dukhu jamani bubli sophai bani; thikhabo nana hajai blai khade dukhu jabakhe blaudu; sumjabani thikhala nana hapsanha hajai phai kha bani bo khaja kha. **22** Ilaining nishi bo jaba; nishi duha waimu nangdu thikhabo ang nishikhe niaphin phainang ar nishi ni khaha khajathai jang gablainang; nishi khajathai main yabakhe saushi bo sephuya. **23** Bo basaining sophainang okhali nishi mushi khebo angkhe singnang noya. Ang nishine gibikhe sainthidu; nishi ani bumu jang boni ha smokhe saingre Abai ning nishine rithar mang. **24** Duha soshi nishi mushi khebo ani bumu jang sainba giri; saing nishi mainang; Odese nishini khajathai phura jama.

Hapsau khe dekha

25 Ang grauthai renhi se nishine ibo buthukhe sainthiba, thikhabo somoi sophai nang ang grauthai renhi grau joya; thikhabo grau ni rebaijang Abaini grau khe nishine sainthiba, **26** Bo basaing sophai khade nishi ani bumujang boniha sainlah; Ar Ang thiya; nishini khlaihi boniha Ang sain rima; **27** Sumjabani thikhala Abai jarning nishi khe maiya nang lahdu. Bo nishi khe maiya nangba sumjabani thikhala nishi angkhe maiya nang du ar londu ang Ishor niphrang phaibakhe. **28** "Ang Abai niphrang phaiba; ar ang ibo hapsauha phaiba; ar duha ang hapsaukhe garhi abai niha thangma jakha." **29** Boni sishorao bokhe thiba, "duha ning grauthai renyahi grau joba. **30** Duha jing mithikha ning khirip jadi khebo mithiya base. Ningkhe singmani saushibo nangya. "Ning Ishor niphrang phaiba thihi iboning jing khe lonridu." **31** Jisu boshine thiphinba, "Nishi duha londu?" **32** Bubli phaidu ar phaihi eraha sophaikha; nishi khiripbo goblung tharnang, jarni noha thang thar lanang; ar Ang saujiang dangkhrai jau nang. Thikhabo Ang bo phura saujiang de jhanang niya; Sumjabani thikhala Abai Angjang dong. **33** Ang nishine ibokhe sainthiba odese nishi angjang mashi jhahi donghi

shanti maima hapsau nishikhe dukhu khlainang; thikhabo nishi khah de!
Ang ibo hapsaukhe deya rikha.

17

Jisu yauhn rikyaraune biriba

1 Jisu ibokhe thiblaihi; nokhasau gede naikhahi thiba, "Abai bubli de sophai kha nini basakhe basauhah iaoblai rilah; Odese basabo nini basauha iaoblai phunu phuma. 2 Sumjabani thikhala khirip marshiraoni khlaihi boni basauha ning khomota riba; Ode thikhase ning riyaba khirip buthu nebo bo jhug jhugni haiyu riphuma. 3 Ar jhug jhugni haiyuni ortho madai Ishor khe tharmaiaba (ar Jisu Kristo khe tharmaiaba serekhe ninghai haba). 4 Ang nini iaoblai khe phirti maha phunukha; ning dangmane riyaba khusi khe ang sjamkha; 5 Abai! duha nin sgangha angthane iaoblai ri; phirithiphalang sangsaiya saninha ning jang dongbaha iaoblai maiya bakhe. 6 Phirthisauha ning riyaba buthu khirip nebo Ang ningkhe mithithar rikha. Bonshi khirip nini gajah; ar Boshi nini grau khe maithikha; 7 Ar duha bonshi mithikha ning angthane riyaba khirip buthu niniphrang phaiyaba gajah. 8 Nini riyaba grau-jmakhe boshine angrikha; ar boshi grau-jmakhe ni kha; boshi mithidu, gibi jang ning ang nini phrang phaibase; ar ning angkhe haihaba thihi boshi londu. 9 "Bonshini khlaihi ang biladu, ang muluk ni khlaihi biya thikhabo ning riyaba buthuni khlaihi ang biba; sumjabani thikhala boshide nini ning. 10 Ar khirip aniha dong-yaba buthu nini; ar niniha dong-yaba buthu ani ning; ar ani iaoblai bonshini khasuha dengkha. 11 Ar duha Ang niniha phaidu; Ang hapsauha girikha thikhabo boshide hapsauha dongkho, "Gathar, Abai! nini bumuni boljang boshikhe sgohi deng; ning angthane riyaba bumujang." 12 Ang boshi khe raukhi hidengduar boshini bishingha saushibo gmahya kho saushi sbung mangmang gmahma nang ginyaba-odese laishi ni gontaini grau; pura gibi soba. 13 Ar duha ang niniha phaidu; ar ibo buthukhe ang hapsauha thiba. Odese boshi ani khajathai khe mainma boshini khaha sotharsi. 14 Nini grau-jmah khe boshine ang rikha; ar odebani boshikhe mulukjang mushu du; sumjabani

thikhala ibo hapsauni niy aAng ibo hapsauni niya balai ning. **15** Boshi khe ibo hapsau niphrang lang mane ang ningkhe singya; thikhabo boshi khe Soitan ni-yao niphrang sgohi dengmane ang niniha saingdu. **16** Ang ibo hapsau ni niya blaining boshibo ibo hapsauni niya. **17** Gibi lama khe phunuhi boshi khe niniha mani rihi deng; nini grauthai gibi ning. **18** Ang boshi khe mulukha haithar kha, ning angkhe hapsauha haiha balai ning. **19** Ar boshi ni khlaihi ang niniha manihi dongdu odese gibi gibijang boshi niniha mani hi dongma. **20** Ang boshi ni khlaihi sening biya; thikhabo ang khe lonyarao ni khlaihi bo ang bidu sumjabani thikhala bonshi jhomsi jamani khlaihi. **21** Ang biba boshi khirip jang mashi jathing thihi. Abai! boshi jhing jang dong nangthi, Ning angjang mashi dongblai ar ang ning jang dongbalai. Boshi mashi jhanangthi ode thikhase muluk bo angkhe ning haihaba thihi lonmanei. **22** Ning riba-laining Ang boshine iaoblai rikha. Odejang boshi mashi japhunangthi. Ning jang Angjang mashi jabalai. **23** Ang boshi niha ar ning aniha. Odese boshi purapuri mashi jama; odejang ning angkhe haihaba thihi muluk bo mithima ar angkhe maiya nangba laining boshi khebo ning maiya nangdu thihi. **24** Abai! boshikhe ning angthane riba; ar ang boshi khe angjang dongma nang jaudu braha ang dong du; Ode thi-khase boshi ani iaoblai khe numa; ning riyaba iaoblai khe; Sumjabani thikhala phirti phalang sangsaiya saniphrang ning angkhe maiya nangba. **25** Gjaima girini Abai! hapsau ningkhe mithiyakho; thikhabo Ang mithidu ar angkhe ning haihaba thihi ibo buthu mithidu. **26** Boshi ni sgangha ningkhe ang basau mithi rikha; ar olaining Ang khushi danghi dongmase; ode jangse smo khasau-majang ning ang khe khasuba busini khasuha dongma ar ang busini khasuha dongma.

18

Dusman rau Jisu khe rimba

1 Ibo bithai khe thi blaihi Jisu boni sishorao jang thanghi Kidron thiyyaba dikhongsa khe baihi thangba. Bo jhagaha bari mashi dongba; Jisu ar boni sishorao oraha thanghi donghiba. **2** Juda sotru bo jhaga khe mithidu

sumjabani thikhala Jisu boni sishorao jang oraha goronlaiba bangkha. **3**
Odebani Juda bo bariha thangba bojang. Romsaraoni shipai yarao bo
thangphah ba; ar madaikho raukhi-yarao buthubo jonthai-marao ar
Pharisirao jang haiha jaubani thangba. Bonshi jong hilai jang thang ba ar
lemton ar bizli langhi thangba. **4** Jisu mithidu boni bassauha jaginyaba
buthukhe; odebani sangha phaihi bonshi khe singba; "Sere khe nishi naibai
ba?" **5** Bonshi thiphinba Nazarethni Jisu khe." Bo thiba, "Ang ning bo." **6**
Juda Jisuni sotru bonshi jang baushi yaohon druhi haha glaiba. **7** Ar Jisu
bonshi khe shing phinba, "Serekhe nishi naibai ba?" Bonshi thiba,
"Nazarethni Jisu khe." **8** Jisu thiba, "Ang nishine sainthikha Ang ning bo.
Angkhening, nishi naibaiba, thikhade gabinrao buthu thang la thing." **9**
Ibokhe bo thiba sumjabani thikhala bo sgang ha thiayaba grau givi jama;
"Baba ning riyaba buthuni bishingha saushibo ang gmah jauya." **10** Simon
Peter ni thorowal mashi dongba bokhe sguhi jonthaimani sakhor khe dain
haba; iaudani kmaw grangshijigau langba. Bo sakhor ni bumu Malka thire.
11 Jisu Peter khe thiba, "Thorowalkhe jhagaha dengha. Ani bupha hayuni
bela dengyabakhe ang lingyahi dengma?"

Jisu Annasni yauha

12 Romsaraoni shipai-yarao bonshi nishipaiya sgaujangular Juda raoni
sentrirao Jisukhe remkha; ar bokhe khakha. **13** Ode phuilaha bokhe Anna
thiayaba niha langba. Bo Kaiapha thiya bani bahau bo maithai ha
Jonthaimarao ni hoja. **14** Kaiapha thiya boning Judani sbung buthu ne
grauthai riba khirip sbung buthuni khlaihi sbung saushi thiba hamdau. **15**
Simon Peter ar gabin sisho saushi Jisu jang thangpha ba Gibin sisho saushi
khe jonthaimani hoja hamshining mithidu Odebani bo Jisu jang baushi
Jonthaimani hojani bichar khoha thangphaba. **16** Peter bajhiha dauglap
gbaha shonghi dongba. Gibin sisho bahjhiha thang phinhi dauglapa
mahla saushijang sainglaiba ar ode Peter khe bishingha labuba. **17**
Dauglapa mahla dong yaba Peter khe singba; "Ningla bo sbungni sisho
saushi niya?" Peter thiphinba; "Niya, Angde niya." **18** Magain bani somoi.
Odebani sakhorrao ar sentri riyorao bondoni hangar jang wai; shuhi

shongding laihi waisi khamliba. Peter bo oraha thanghi bunshi jang shonghi waisi khampha hiba.

Jonthaimaraoni hoja Jisu khe singba

19 Jonthaimaraoni hoja Jisu khe singba boni sishoraoni grau ar boni siling ribani graukhe. **20** Jisu thiphinba; "Ang nalaibo khirip nebo bahji haning grau jobase; Ar nalaibo sunagog ha ar madaikho haning ang siling ribase; oraha nalaibo khirip sbung buthubo phaidu. Ang mushi khalibo ishaba khebo phrik phrik thiba giri. **21** Smoni thikhala ning angkhe singba? Ang thiba khnah yarao sbug buthukhe sing. Ang smokhe thiba bonshi khe singla smokhe thikha bonsi mithidu." **22** Jisu ibokhe thibaha; Sentri saushi songkuhi bakhaolai rihi thiba. "Jonthaimaraoni hojani sgangha ning ibo rokhom bede grau jophure?" **23** Jisu bokhe thiphinba; Jodi ang ishaba jayayaba graukhe thire thikhade; eraha dong-yarao khiripni sgangha thia bo smo sgangha thi ba smo grau. Thikhabo ang smokhe thikha bo givi grause, ning angkhe sumja-bani doba? **24** Ode Anna bokhe Kaiapha Jonthaimaraoni hojani ha haiha kha bo-khe khahining.

Peter Jisu khe mithiya maisiba

25 Peter orahaning songhi waisi khamhi dongba kho. Gibinrao bokhe thiba. "Ningla bo sbung saushini sisho niya?" Peter niyaba, "Niya, Angde niya" bo thiba **26** Jonthaima hojani sakhor saushi Peter jang khmao mashi dain khla jauyabani apna thiba, "Ang ningkhe bariha bojang baushi nuya?" bo singba. **27** Ar Peter thiba, "Niya," ar bohaning daola mashi gishikha.

Jisu Pilat ni yauha

28 Phin phorongmaha Jisukhe Kaiapha ni noh niphrang latsapni banglaha langba. Judani sbung buthu bangla bishingha hapya sumjabani thikhala bonshi baiglaini melhajhima lingmani khlaihi jarni hishap jang rgaushishi dongma bauba. **29** Odebani Pilat bajhiha thanghi bonshi khe singba, "Smoni khlaihi ibo sbung-khe dush remba?" **30** Bonshi thiphinba, "Bo

hamya khushi dangya thikhade bokhe jhing niniha labuya mu." **31** Pilat bonshi khe thiba, "Niyakhade nisi jar bokhe langhi nishini disani mote bokhe shaja rila." Bonshi thiphinba, "Jhini ha niyom giri ishaba sbung-khe remhi staimani." **32** (Jisuni grau thaikhe givi phunu mani kharon jang ibo jama glaiba bo bede khlai hi thima bo jarning jodalahyaba grauthai.) **33** Pilat bangla bishingha thangphlinhi Jisu khe longhi thiba. "Ning ning Juda raoni raja? bo singba. **34** Jisu thiphinba, "Ibo ning grau joyabala nini niphrang phaiyaba na mlai gabinrao angkhe ningthane sainthiba?" **35** Pilat thiphinba; "Ning angkhe Juda bauba? Nini sbung buthu ar jonthaimarao ningkhe remhi angthane yaopha phaiba; ning smo khlaiba?" **36** Jisu thiba "Ani raji ibo hapsauha niya. Jodi ani raji ibo hapsauha jhare thikhade ani sbung buthu Judaro ni yao niphrang sgomane nam jhlai mase, "Niya! ani raji eraha niya!" **37** Odebani Pilat bokhe singba, "Niyala ning Raja saushi?" Jisu thinphinba; "Ning thidu angkhe Raja saushi; Ang hajaiba ar khusi mashi ni khlaihi hapsauhst phaiba, grau gibikhe jomane, sere giviha dong bon shi angkhe khnadu."

Jisu khe sthaimane grau

38 Pilat singba, gibigibiyabala smo? Pilat bajhiha thangphlinhi sbung buthukhe thiba. Ani ha bokhe saja rimani mushi dus maiphuya. **39** Thikhabo nishi niha dara dongbalai ang nalaibo baiglaini mel somoiha morong ga jepjau-yabakhe haigar re nishi Angkhe haigarma nang jaudu Judaraoni Raja khe nishini khlaihi? **40** Bonshi jhirik khauhi thiphinba; "Niya, bokhe niya! Jing Barabba khe nang jauba. (Barabba saushi dakhuh.)

19

1 Ode Pilat Jisu khe langhi shuriba. **2** Siphaiyarao bushuni bondep khe Khrothulu slamhi boni khoroha thuriba; ode boshi rigajao khe phin riba. **3** Ar ode boniha phaihi thiba, "Judani Raja haiyu lauthing?" Ode boshi basauha thanghi khiripbo bokhe bkaolai riba. **4** Pilat bajhiha phaihi

gitimlaiyarao khe thiba, "Nai, ang bokhe eraha nishi niha labunang nishi naila angde bokhe khmahmani mushibo dus maiya." **5** Ode Jisu boshini khorothu thuhi ar rigajao phinhi bajhiha phaiba. Pilat boshikhe thiba, "Nai, bo sbung eraha dong." **6** Jonthaimarao ar Sentri riyarao bokhe nubaha boshi jhirik khaohi thiba, "Bokhe kross ha stai, bokhe kross ha stai." Pilat boshikhe thiba, "Niyakhade nishi bokhe langhi kross ha stai. Angde bokhe khmamani kharon nuya." **7** Gitimlaiyarao thiphinba; "Jini disa dong boha thidu bo thima ning nangma, sumjabani thikhala bo Ishorni basa thihi jarkhe thiladu." **8** Ibo graukhe khnahi Pilat arkhin dauba. **9** Bo bangla bishingha thangphinhi Jisu khe singba; "Ningbraha niphrang phaiba?" Thikhabo Jisu mushi thiphinba. **10** Pilat bokhe thiba, "Ning angjang sainlai ya? Wainsoh; aniha ningkhe sgomani bo khomota dong ar kross ha stai manibo khomota dong." **11** Jisu thiphinba, "Ishor ribani kharon jang Ani basauha nini khomota dongba. Odebani sere sbung Angkhe ningthane iaophaba bode hamyadao thaoyaba phapni dushmon."

12 Ibokhe Pilat khnahi Jisu sgomani naikha kho. Thikhabo gitimlaiyaba sbung buthu jhirik khaoba, "Jodi ning bokhe sgore thikhade, iboni mane ning Raja Kaisarni lugu niya. Ishaba Raja thihi jarkhe baore bo Raja Kaisarni basauha sortruse." **13** Ibo graukhe khnahi; Pilat Jisu khe bajhiha langba ar bishadarni longthaini kamthaniha kamriba. (Hebrew jang "Gabbatha" thire.) **14** Boni somoiha saingjer jadikha baiglaini salaima basain. Pilat sbung buthukhe thiba, "Nishini Raja eraha dong." **15** Boshi jhirik khaohi thiba, "Bokhe stai, bokhe stai, bokhe Kross ha stai." Pilat bosikhe singba, "Nishini Rajakhe Krossha rima nishi nang jaodu?" Jonthaimarao thiphinba; "Jini Rajade Kaisar sening." **16** Odehe Pilat Jisukhe Kross ha rimane boshi niha iaophabha. Odehe boshi Jisu khe langlaba.

Jisu khe Kruss ha dikthaiba

17 Jarni kross khe bainghi bajhiha phaiba; ar ode laokrongni jagaha sophaikha (ibokhe Hebrew jang "Golgotha" thire). **18** Bokhe oraha kross ha riba; ar boshi oraha sbung gni khebo krossha riba, **19** Jisu ni iaoda ar

iaoshi gede ar Jisu khede ge/erha daugari mashi repba ode daobra basaoha dengba "Nazareth ni Jisu, Judani Raja thihi." **20** Khiripbo ibokhe poriba sumjabani thikhala Jisu khe krossha riyaba hathan shohor niphrang gbang jainya. Daugari, Hebrew, Latin ar Grik graojang rebba. **21** Jonthaimarao Pilat khe thiba, Judaraoni Raja thihi darep; sumjabani thikhala bo jarse ang Judaraoni Raja thilaba." **22** Pilat thiphinba; "Ang smokhe repka olaining thaoma." **23** Siphaiyarao Jisu khe krossha rihi boni ri buthukhe lahi pantha-bri khlaihi ronlaiba. Siphaia sausihapanihasi pantasi khlaihi boshi buni solaglauyaba khebo la laba; khun dingshi jang jhora giri dauyaba. **24** Siphaiyarao saushijang saushi thilaiba; "Ibo rikhe dajekau; jing juya mlaao hi nainang sere mainre." Ibo sophaiba laisimaha repyaba phurajamani, "Boshi ronlaiba ani rikhe boshini bisingha: Ar ani rini khlaihi Juya mlaoba." Ar olaining siphaiyarao khlaiba. **25** Jisuni kross gbaha shonghi dong yarao; boni buma ar bumani bahandao; Mary Klopni bihi ar Mary Magdalene. **26** Jisu boni buma ar Sishorao bokhe maiyanangyaba buthu khe gbaha shonghi dongba nuba; Buma khe nuhi thiba, "Bo nini basa." **27** Sishorao khe bo thiba, "Bo nishini buma" Okhali niphrang Sishorao bokhe langhi jarni noha kharangba.

Jisuni manggathi

28 Jisu mithidu duhade khirip jadibo phura jakha; ar laishini gonthaiha repyabakhe phura jharimani khlaihi; bo thiba, "Ang di gangkha." **29** Oraha arah gebeda mashi dongba; orahaju gablaishi dongba. Oraha spons khe jemhi wabujuha khepre hi bonu khujer ha nepha rihaba. **30** Jisu bo jukhe linghi thiba, "Phura jakhah Odehe khoro glai rihi bo thiba.

Jisu khe jong jang jauba

31 Ode Juda rao buthu Pilat niha thanghi kross ha stai yaraoni iga buthu khe sbai rinangti singhi ba; ar mangathi buthu khe dikhrai mani khlaihi. Boshi olaining jaoba sumjabani thikhala okhali sukhri basaingse ar Sabbath bashingha olai mangathi buthu kross ha dongbakhe hamjoya;

sumjabani thikhala sophai ginyaba Sabbath basaing gathar basaingse. **32**
Odebani siphaiyarao thanghi sbung gni Jisu jang baoshi krossha
rijao-yarao ni igakhe sbai hiba. **33** Jisu khe phaihi nuphainkha. Jisu thiblai
kha, odebani boni igakhede sbai yak ha. **34** Siphaiya saushi boni jongkhe
sguhi Jisuni bohoha jaoba, ode thijang phinsihba baigoba **35** (Ilai jabakhe
sere nokha bo sakhi ridu; odese nishi bo lonma. Bo smokhe thiba bo grau
gibi, ar bo mithidu bo grau gibi khening jobase.) **36** Ilai jaba sumjabani
thikhala laishi ni gonthaiha rebba dongyangalai gibi jamane. "Boni begreng
grengshibo baiya." **37** Ar laishini gonthaiha gabin grau khebo thidu;
"Serekhe busi sgoba bokhe busi nai thaima."

Jisu ni mangkhlog

38 Iboni yaohonha Josepha Arimathai sohor niphrang phaihi Jisuni
mangathi rinangthi thiba Pilat khe singphaiba. (Joseph Jisuni yaohon
rikyah; Odebani Judarao khe khinbani mithijao yahi phaiba.) Pilat bokhe
thiba Jisuni mangathi khe langlah phure. Odebani Joseph thanghi laihiba.
39 Nikodemus thiayaba Jisu khe horha thanghi naihi mani Joseph jang
thangpha ba boha kilo thimji mushia, ar marjang olai bidi molaiyaba
langpha ba. **40** Sbung gni jang Jisuni mangathi khe langhi hamiaba riguphu
khe phinrihi ar bo molai-yaba buthukhe phinkhruba. Judaraoni daraha
sbung pipmane ilai yaowaima nangdu. **41** Jisukhe stai yaba jaghabo bari
mashi dongba; ar oraha longthaini longkhor mashi dongba oraha saushi
khebo pipba girikho. **42** Sabbaihni saing gni sgangha ar bo longthai ni
longkhorbo samphabi, odebani Jisuni mangathi khe orahaning boshi
pipkha.

20

Hakhor khongja

1 Haiti bari basaing khali phorong maha khaisa andar jaba haning Mary
Magdalene phipyabaha thanghi naihiba ode longthai bauphung yabakhe

desaihi dongba nukha. **2** Bo Simon Peter niha ar sishorao niha Jisu sere serekhe maiya nangba boshi niha kaipha langhi sainthi hiba. "Boshi Gabara khe pipyaba niphrang langkha; jing mithiya boshi braha bokhe denghi kha." **3** Ode Peter jang gabin sishorao thanghi phipyaba baha naihiba. **4** Boshi gnibo khaihi thangba thikhabo saushi Peter tha sganghi thangba ar odebani shoda hiba. **5** Bo gonghi naiba; riguphu khede nikha thikhabo bishingha haphi naiya. **6** Boni yaohonha Simon Peter phai hi naitharba borigphu khe. **7** Ar Jisu ni khoroha meraiyaba rikhe nukha. Ibo riguphu jang baushi dongyabaha gabin khlaihi thonprehi dongbakhe nuba. **8** Arsishosaushi Peterni sgangha sophaiyaba bo bokhe nuhilonba. **9** (Bo thihi baija phinma thihi laishi ni gonthaiha rebya bakhe boshi phura bujhiyaba.) **10** Odehe boshi boha thangphin lakhka.

Jisu, Mary Magdaline jang nujauphinba

11 Mary hakhor bajhiha songhi grahi dongba grasai bahaning hakhor bishingha gonghi nai haba; **12** ar Jisu ni mangati dongya baha degla gni jang riguphu gainhi khamhi dongbakhe nuba; saushi de khoroha ar saushi iaga phangha khamba. **13** Boshi Mary khe singba, "Mashinghik! Ning smoni graba?" Bo thiphinba, "Boshi ani Gabara khe langkha ar langhi braha denghi kha ang mithiya!" **14** Ode bo naiding bai baha Jisu khe songhi dongba nuba; thikhabo Jisu khebo mithiya. **15** Jisu bokhe singba, "Masainjik!" Smoni ning graba?" "Ning serekhe naibai ba?" Mary bokhe bari nai yah bauba; odebani Mary bokhe thiba, "Jodi ning bokhe langba thikhade; Gedema! Ning langhi braha denghi kha angthane sainthi; ang thanghi bokhe laihi phuma." **16** Jisu bokhe thiba. "Mary!" Boni gede naiphinhi." Mary thiba, "Rabboni!" (Iboni mane Hebrew jang Silingriah.) **17** Jisu bokhe thiba, "Ani sauha dadohpha." Kharon Ang duha basauha Abai niha thangphin yakho; thikhabo Ani bada buphlung thuniha thanghi sainthibha Ang duha Abai niha thangphindu ar boning nishi nibo bupha; Ani Ishor boshi ni Ishor." **18** Odebani Mary Magdalene thanghi Sishoraone thiba. Bo Gabara khe nuba ar thijaoba graukhe boshine sainthibha."

Jisu yauhon rikyaraau jang nujauphinba

19 Haiti bari basain saingbliha; sishorao Juda buthu khe khinbani buthujang derga phunghi bisingha gitim laihi dongba. Oraha Jisu phaihi boshini bishingha songphaiba; Bo thiba, "Shanti nisi jang dongnang." **20** Ibokhe thihi boshine jarni yao ar saumang khe phunuba. Gabara khe nuhi boshi hamshi ning khaja laikha. **21** Jisu boshi khe thiba, "Shanti nisi jang dongpbang. Abai angthane haiba laining. Angbo nishine haidu." **22** Ode boshikhe barsuhi bo thiba. "Bese gathar khe ajao!" **23** "Jodi nishi sbung buthuni phapkhe map khrai khade; bosikhe map khlaidu; jodi nishi map khlaiya thikhade boshi khe map khlaiya."

Jisu ar Thoma

24 Jisu nujao baha Thoma (Jonja thijaoxyaba) boshi jigni sisohrao jang bo giri. **25** Odebani gibi sishorao bonthane sainthiba, "Jing Gabara khe nukha!" Thoma boshi khe thiba. "Ang boni yaoha gojal ni shin nuyashi ar jarni yao jang bo gojal shin buthukhe gidingba maiyashi ar boni saukhe gidingba maiyahi ang lonya." **26** Haptashi yaohonha sishorao buthujang nohah bojom jalaiba ar Thomabo boshijang dongphaba derga buthu thala praothar hining dongba; thikhabo Jisu phaihi boshini bishingha songphaiba; ar thiba, "Shanti nisi jangdongthing." **27** Ode Thoma khe thiba, "Eraha nini yaoshi khe denghi ani-yao khe nai; ode nini yao khe dohphari hi ani saukhe giding. Lonyama grau giri ning lonlah!" **28** Thoma bokhe thiphinba, "Ani Gabara ar ani Ishor!" **29** Jisu bokhe thiba, "Ning lonba sumjabani thikhala ning Angkhe nukha bani. Angkhe nuyahi lonyaraao bishi khaja du!"

Ibo laisini nangjaoma

30 Boni sishoraoni sgangha Jisu gmangthaosishi phunu-yaba buthukhe ibo laishi maha repblaiya. **31** Thikhabo ibo buthukhe mangmang rebba sumjabani thikhala olaijang nishi Jisu khe Messiah thihi; Ishor ni basa ar bokhe nishi bishas jhahi haiyu mainmani khlaihi.

Jisu yauhon rikyaraau snijang nujauba

1 Iboni yaohonha Taiberia dikharnai ha boni sishorao jang Jisu nujaoba. Ilai jaba; **2** Simon Peter, Thoma (Jonja thijaoyaba) Nathanael (Galilini Kana sohor niphrang) Zebadai ni basa buthu ar Jisu ni sisho gni, buthujang donglai baha. **3** Simon Peter gabinrao khe thiba, "Ang nah rimjima thangma," Gibinrao thiba, "Jing ningjang phaiphama." Odebani boshi rung mashiha thanba; thikhabo okhali horha boshi nah rimbajaya kha. **4** Saing jhusa phaikha Jisu diton sauha songhi dongba; thikhabo sishorao bokhe Jisu se thihi mithiya. **5** Ode boshi khebo singba, "Jalairao buthu nishi gijhi-sabo maiya kho?" Boshi thiphinba, "Mashibo mainya." **6** Boshi khe thiba, "Rungni yaoda gede jhe sai nishi khaisa mai nang." Odebani boshi jhe saikha thikha nah nangba bang banghi jhe sik khu phuya kha. **7** Jisu maiya nang yaba sisho saushi Peter khe thiba. "Ibo Gabara se!" Peter Gabara se thiba khnahi; boni rikhe sauha gaingba odehe (Kharon boni ributhu khe bo khruhi dengba) diha birshingba. **8** Gibin sishorao dergong gede rungjaohi jhe gablaishi nah rimba maikha. Boshi hakong niphrang Jainya; yapri jang rajashilai seningjama. **9** Boshi di dergong niphrang phaiba hade hangar ni waiha nah ar roti khe nuba. **10** Jisu boshi khe thiba, "Nishi duha nahrimya bakhe khaisa labu." **11** Simon Peter rungha thanghi jhe saibaha jhe gablaishi nah gedeba maiba; khirip jang nah rajashi madan matham maiba; thikhabo jhe jhigaoya. **12** Jisu boshi khe thiba, "Phai, jhilai nang." Sishorao ni bishingha bokhe singmani saushi bo shahos khlaiya; "Ning sere?" sumjabani thikhala boshi Gabara ningthihi mithidu. **13** Odebani Jisu thanghi roti khaisa lahi boshine riba, ar nah khebo olaining riba. **14** Ibojang Jisu thihi baija phin hi sishorao ni sgangha nujaoba phin-tham jakha.

Jisu ar Peter

15 Boshi jhilai blaihi Simon Peter khe thiba, "Simon John ni basa; mlai

gibin maiya nangbatah bara ning Angkhe maiya nagdu?" Bo thiphinba, "Ha Gabara; Ang maiya nangba khe ning mithi lahdu." Jisu boshi khe thiba, "Ani melma buthu khe saunang." **16** Phin Jisu bokhe thiba, "Simon John ni basa; ning Angkhe maiya nangdu?" Bo thiphinba, "Ha, Gabara; Ang maiya nangba khe ning mithi lahdu." Jisu bokhe thiba, "Ani melma buthu khe saunang." **17** Phintham Jisu Simon khe singba, "Simon John ni basa; Ning Angkhe maiya nangdu?" Peter dukhu nangkha sumjabani thikhala bokhe Jisu phintham singba. "Ning angkhe maiya nangdu?" odebani bokhe thiba, "Gabara khirip jadi khebo ning mithi ladu; Ang maiya nangba khe ning mithidu!" Jisu bokhe thiba, "Saunang ani melma buthu khe. **18** Ang givi khe ningthane thidu; Ning naga jaba saing-khalai; ning tiari dongdu ar nang jaobalai isha baha bo thangdu; thikhabo ning rahbani saingkhali de; ning jarni yao khe moshor nang ar mlai ishaba ning khe khahi ar ning thangma mijingga yabaha iangjao Rang." **19** (Ibokhe sainthibamane smo rokhom jahi Peter thiaba ar Ishor ni bumu odejang phura jama khe mithi riba.) Ode Jisu bokhe thiba, "Ang khe rikpha!"

Jisu ar gibin yauhon rikyaru

20 Peter naiding baihi boni yoahon gede nuba. Serekhe gede kham Jisu khasaoba ar horha jilaibahah Jisu sgangdada gonlaihi thiba. "Gabara ningkhe sere rim rima bauba?" **21** Peter bokhe nuhi Jisu khe sing ba. "Gabara ibo sbung lah bedehe?" **22** Jisu boshine thiphinba. "Jodi Ang phai yashi bokhe thanghi dongma nang jao khala; Ibo nini khlaihi smo?" Ang khe rikpha!" **23** Odehe sishoraoni bishinghah ilai thilaiba bo siso thiya thihi, thikhabo bo sbung thiya thihide Jisu de thiya: bo thiba. "Jodi Ang phaiya shi bokhe thanghi dongma nang jaore thikhala: nini khlaihi ibo smo?" **24** Bo shiso saushi ibo buthukhe grau joyaba: boning boshi buthukhe repthar yaba; ar jing mithidu bo smokhe thiba grau gibining.

Sajamthai

25 Ibo buthukhe garhi Jisu danglang yaba khusi bangbi: jodi ibo buthukhe

mashi mashi khlaihi repharkha thikhade; Ang mithi bani mothe hapsauha ning jaonang niya.

Recent Visitors

[Click to Get !\[\]\(b4bd3f4fab3c8f2dc09c326217109a88_img.jpg\) FEEDJIT](#)